


# *U KUGWĪLILIGW' UBWĪTE*

## *KWA UNITED STATES*

 ...ubwīgáne bwa Ntwa kuli findu fimo ukubonekapo utubalilo tumo. Uswe twābūkīle ku Denver, itolo lululu ulu, kangi twāgomokile. Une ngwītika ukuti une ngulōnda ukupāngakapāngo, u lukomano: Ulwēne lwāli lumu mwa ngomano innunu-ukukīnda une njīlēmo nasyo mu fyīnja. Uswe twāli na kabalilo akaswigisye. Mu luko lumu ukukīndapo panini maelifu mabili aba bapele indumbula syabo kwa Kristi, palubafu lwa bala bābo bālyāmbilīle u lōsyo lwa Mbepo Mwikemo, palubafu lwa fimanyilo ni fiswigo ifi ugwitu umpala u Ntwa Yeso ābōmbīle pakati pa bāndu pala mu Denver. Uswe twāli nu konelela-panja ukuswīgīsye, kangi ukwisa-palikimo ukukulumba kwa bandu. Uswe twālyāndīleko na kifuki maelifu mahano, ukwānda itolo. Kangi uswe twāli ni Mammoth Gardens. Kangi pa kilo kyābutātu, pala pakālipo nu buyo bulibōsa kuli abāndu ukwīma mbuyo bula. Twāli na kabalilo akaswigisye, aka kilo ihano.

<sup>2</sup> Uswe tulinkusōkako kula, ukubuka ku Canada, ndumiana na une. Kangi uswe tulinkufika kumwanya mu fyāmba, kangi ukwisa kwa umbelo-gwa-matalala. Une ngusakisya umwe mupilike isya ikyēne, pa rediyo yīnu. Kangi bamo mia yumo na malongo-lwēle-na-lwēle balinkupyūtigwa mu gwēne. Kangi uswe twākamandigwe mu bubugutuke-bwa-matalala ku—ku—ku masiku mīngi, pamwanya pala mu fyāmba. Kangi u lukomano lwitu lulinkukisania, kangi uswe twāli, ukugomokela ku kāya lilino, bo tukāli uswe ukusōkāpo kangi. Polelo uswe tukwitika fyosa ifi fyali lumu fya bwigane bwa Kyala, ukuti ilwēne lukuyaga u—u lukomano ulununupo, kangi i kindukimo ikingi. Umwēne ālinakyo ikindukimo kibātikigwe mōsa kuli uswe iki uswe tukamanya.

<sup>3</sup> Uswe tukwenda mu luko lwa kisu ikyangisi, loli komma mu ngisi. Uswe tukukonga itolo, bo u Lumuli lukubuka, polelo uswe tukukongesya u Lumuli.

<sup>4</sup> Kangi gwitu Tāta Gwakumwanya lumu āli ni kindukimo iki uswe tumenye nakimo ikya ikylene. Pābagile lumu ukuyapo ububībi ubukulumba bulāmbalēle pamwanya pala. Pamo, kāngi, Umwēne lumu abōmbaga pa munduyumo ukutwāla. Umwe muketile, Kyala abagile itolo ukubomba pa mundu yumoywene bo lula; Umwene asanwisye ikikolo kyosa itolo kuli mundu yumoywene yula, ukubatwala abene nkati. Kangi polelo uswe tumenye ikylene kyali fyosa ku lwimiko lwa Kyala. Kangi uswe

tukupalisya Umwene panongwa ya icyene, kangi panongwa ya kutuponesya uswe. Kangi balipo bingi, uswe. . .

<sup>5</sup> Billy na une tulinkutūla ukupimba abēne, mula mu nsebwe ni findu bo fila, ukufwana na bāndu aba bātikigwe na filifyōsa. Lōli uswe twīsile ukukindāmo kisita lutamio. Uswe twāsōkilēpo pa nsebwe kamokēne, lōli kila kyāli itolo ku tubalilo tunāndi. Kangi unyāmbāla yumo pamwanya pala, pa ngūnda ikusuluka pāsī nu kutukwāba uswe pānja ni trakitala. Itolo ukutelemuka; ukwēne kwātelemwike fiyo.

<sup>6</sup> Kangi icyēne kyāli kimo mwa findu ifi abēne bakālinafyo kuli . . . bakābagile, abakusi bakābagile ukukūmbuka isya siku ukuya nu mbelo go gula, nkisu kila, akabalilo kala aka kyinja, Roundup, Montana. Kangi uswe twāli . . . Uswe tumenye ukuti kalikosa akapamwanya fiyo bo lula, u Ntwa gwitu āli ni kiboko Kyake nkati mula kubuyo bumo. Ikyēne kyāli kuli ulubīngililo lumo, ku—ku bununu bwītu. Ku bununu bwītu, ikyo kyo iki icyēne kyāli.

<sup>7</sup> Kangi polelo une ndinkukōlela u Nkundwe Neville, ukufuma pāpo une ngomwikeko, kangi une ndinkuti, “Une nguyaga pakuya ku kāya Pandungu. Kangi—kangi linga ugwe kulonda une, ukwisa kuno nukuya ni sukulu ya Ndungu, fiki, fyosa filikanunu.” Kangi une ndinkuti, “Polelo une ngwisa . . . kangi une nguyaga nsangalufu fiyo ukufikako.”

<sup>8</sup> Umwene alinkuti, “Fiki, naloliloli, Nkundwe Bill.” Alinkuti, “Uswe akabalilo kosa tuli basangalufu fiyo kuli ugwe ukwisa,” ni ndumbula ingulumba inywamu iyakwiguka kangi kwambililīgwa, bo lula. Kangi polelo ukubika ulwene pa lwibatiko lwa rediyo yake, mmayolo. Polelo uswe tukupalisya panongwa ya findu fyosa ifi.

<sup>9</sup> Kangi ulubunju ulu, lilino, ukuya Lisiku lya Mama. Abāndu bīngi, umwe mwisa kupilika ilūmbililo sya Siku-lya-Mama kulikōsa, kangi abāndu bikuyoba isya māma, iki une ngwīnogōna kyākusāngalusya. Kileka ikyo ku bubombelo bosa.

<sup>10</sup> Ulubunju ulu une nāfumwisye, ukuti, i—i kimanyisyo kya *U Kugwīlilīgw’ ubwīte Kwa United States*, iki une nālonidaga ukuyobapo. Iki, umwe lumo mwāpilike ulufumusyō lwīnu lwa rediyo, kangi umwe mwīsa kupilika mwālwe-mwālwe isya ifyēne umwīsyūgu. Kangi kwisakuyako u bulumbilili bwa Lisiku-lya-Mama, lumo, ikilo iki mu mbōmbelo. Kangi polelo une ndinkwinogona, ulubunju ulu, une mbagile ukufumusyā, “u—u bugwīlilīgw’ubwīte.”

<sup>11</sup> Une nāyobile pa kyēne mu Denver, apa, komma katikati ukufuma ku busegelèlo une ngulōnda ukupa icyēne ulubūnju ulu, linga Kyala ikwīgāna. Kangi, akene, kaali kabalilo akanunu na kene. U Ntwa itolo āsayile mu njila inswīgīsyē. Ikyēne kifwene utubalilo tumo kikutupa uswe i . . .

<sup>12</sup> Ugwe kufimbilisigwa ukuyugānigwa itolo panini, ukusyāgānia iki ikyēne kyo kyōsa kya fiki, bule uswe, utubalilo tumo? Kangi uswe tukusuma ukuti Kyala ikubombaga ikyene.

<sup>13</sup> Kangi, pa lubafu itolo, pamwanya pala, akabalilo kāko uswe twākīndilēmo. . . A Banyāmbāla ba Bukyulusi ba Denver bāli bo bala bāsāngulisēnie u lukomano, kangi ikyēne kyāli u hōmbi unkīndāne panini ukukīnda une nāli nayo siku pabutasi.

<sup>14</sup> Kangi bwila, ababōmbi, akabalilo kako abene bikutuulaga ulukomano, ugwe kuyobaga. . . “Ngimba ugwe gwāfumwisye ikyene?” “Ena, ku kipanga.” Ikyo kyo itolo kya ikyēne. Abo bo batimi; abēne bikulōnda untimo gwābo ukumanya isya ikyēne. Iyo lyo itolo lisyu ilinunu. Iyo yo bukyūlusi bwābo.

<sup>15</sup> Lōli a Banyāmbāla Bābukyulusi bāli panini bakīndāne. Abēne bālōndāga ikīsū ukumanya isya ikyēne, popāpo abēne itolo bātulike pānja kifuki maelifu madola matatu pamo mana ubwīngi bwa lufumusyo pa gōsa magali-ga-ndukīndi, amagali-ga-taxi, syōsa imbulo sya magali, kangi kulikōsa. Uswe twāli na kabalilo akasāngalusye.

<sup>16</sup> Ukufuma pāpo u lukomano lwāmālike, abene bālingōlīle une ku lubafu lumo, alinkuti, “Nkundwe Branham, ngimba uswe tukubombele fiki kuli ugwe lilino? Ngimba uswe tukumeleligwa kwa ugwe fiki?”

<sup>17</sup> Une ndinkuti, “Fiki, ena, nakimo.” Une ndinkuti, “Umwe mutikumeleligwa kwa une nakimo.” Une ndinkuti, “Umwe, homba utengo gwangu gwa hoteli, pasi apa, linga umwe mukulonda.”

<sup>18</sup> “O, uswe tukulonda ukubomba ikindukimo kwa ugwe.” Kangi abene balinkutoligwa. . . Une ngabagile ukwega nakimo ukufuma ku bēne.

<sup>19</sup> Pōlelo undindilila alinkubakolela abene ukusyungutila. Umwene alinkuti, “Une ngusubila umwene mu luko lumo īganile ukufwima nu kulob’iswi, bule umwene?”

Umwene alinkuti, “Ena.”

<sup>20</sup> Popāpo yumo mwa banyāmbāla-ba-bukyūlūsī āli nu ngūnda pamwanya pala, kangi umwēne alinkuti, “Une itolo ngwīsa kutēndēka umwēne ikyābupi kya ikyo.”

<sup>21</sup> Ena, Tata. Moore alinkubuka kula ukwakukēta ikyēne. Umwēne alinkufimbilisigwa ukugomokela ukufwana amamailosi malongo-matatu-na-mahano, pa nyuma ya falasi. Une ndinkuti. . . Tata. Moore alinkuti, “Une ngulonda ukumbona Kalumbu Branham itugesye pa falasi, ukugomokela ku ikyo.” Polelo umwene, abene, kangi. . .

<sup>22</sup> Lōli, ukufuma apa, palema, abēne balinkubūka ukukilania kula ku buyo bwātwaya ku Silver Plume, Colorado. Iki kibagile ukuya pa lubafu ulu lilino. Kangi abēne bālyūlīle ubuyō-bwa-bulimi ubunini ukukilania kula, kangi bikuyēnga a kāya

kāfyūmba-fihano ukukilania kula ya une lilino uku . . . ku Silver Plume, Colorado, iki kyo mulumula mu ndumbula ya fyamba. Polelo, umwe baloba'nswi, une ngusakikisya akene ko kabalilo kanunu, polelo akene kikuyaga buyo ubununu ukwihobola, kangi akabalilo kāko ukufuma ku ngomano ni findu, linga Kyala ikwitikisya. Ikyo kyo kili ku Mwēne, umwe muketile.

<sup>23</sup> Une ngulonda lilino ukwega ulupilikisyo lwitu ku Lisyu. Kangi une itolo ndiganile i Lisyu, i Lisyu lya Kyala ilyabumi. Ikyene kyo, nkati mu Lisyu bo Bumi. Lilino, “I Lisyu, ilisimbo, likugoga, loli u Mbepo ikupa u Bumi.” Kangi u Būmi buli mu Lisyu, panongwa yakuti ilyēne lyo Lisyu lya Kyala. Būmi bulambalele mu Lisyu Lyāke.

Ngati linga une nākubūlile ugwe, “Une ngukupa ugwe . . .”

<sup>24</sup> Ugwe kuyoba, “Une ndi ni njala, ulubunju ulu, Nkundwe Branham. Ngimba ugwe ubagile ukumba une amadola mahano?”

<sup>25</sup> Une nguyobaga, “Une ngubombaga.” Lilino, bulipo itolo u būmi mu kila mūmo buli mu lufingo lwāngu.

<sup>26</sup> Iyo yo njila yilayila ikyene kili na Kyala. Akabalilo kako Kyala ikufingwa kalikosa, polelo iki Kyala ali, Kyake . . . Umwene ikufimbilisigwa ukuya mu Lisyu Lyake. Muketile? I Lisyu ili lyo lyantengo nakamo . . . I Lisyu ili lyo lifwene itolo na Kyala. Ilyene lyo Kyala.

<sup>27</sup> Ilisyu lyāko lyo iki ugwe guli. Ilyēne lyo kifūngo kyāko; uswe twālisibile ukukikōlēla ikyēne. Ikifūngo kyāko lyo lisyu lyāko. Linga uswe tukabagila ukwega ilisyu lyako, polelo une ngabagila ukuya nu lusūbilo. Lōli linga une mbagile ukwēga i lisyu lyāko kuli kalikōsa, polelo ikyēne yo nyāmbāla gwa lugīndiko.

<sup>28</sup> Kangi i Libangeli lyaayobile, “Ku bwandilo lyalipo i Lisyu, kangi i Lisyu lyaali na Kyala, kangi i Lisyu aali Kyala.” Muketile? Muketile? “Kangi i Lisyu lyapeliigwe ukuya mbili, nukwitugasya pakati pitu.”

<sup>29</sup> Linga uswe twābagile ukwinogona, iki, ikisu kilakila iki uswe tulimo nu būmi, ulubunju ulu, lyo Lisyu lya Kyala. Umpiki gula go Lisyu lya Kyala. Kangi ugwe, umbili gwako, go Lisyu lya Kyala. Kyala ayobile ikyēne mu kuyapo bo ulu, āpelile ikyēne ukufuma ku nakimo; iki kikālinakyo nakimo.

<sup>30</sup> Ngimba umwe muketesisyemo siku u bumi bwa bundu, kuko ubwēne bukufumila? Kamokene akanini akambakasya, kanini fiyo mpaka ikisige kya būndu kikābagile ukukakēta akēne; mwēne ukwisila mu likulumba, ilindalasi ilyamaka. Kangi ukufuma pala pikwisa gwa mia-yumo-na-malongo-mahano, u nnyambala gwa mapaundi-bamia-babili. Ko kugu ikyene kyafumile kugu? Muketile? Kyala itolo ayobile ikyēne, kangi ikyēne itolo kyālyāndile, ukwisila mu kipelīgwa, kikukula,

kangi pala ikyēne kyatwēle itolo katikati. Umwēne āyobīle mpiki guligōsa, kilikyōsa, mu kuyapo. Kangi ikyene kyo luko uluswigisye, ikindu ikiswigisye, ulubunju ulu, ukukéta i Lisyu Iya Kyala.

<sup>31</sup> Lilino, ulu, ulubunju ulu, mu Lwītikàno Ulukūlu, ukusanukila ku Syantubalilo. Une mfumile itolo ukuya panini panāndi nsulemene...Bo uswe tukusyūmbutuka lilino ku Syantubalilo, untu gwa 18. Itolo kukatala panini. Loli linga Untwa ikwitikisya...

<sup>32</sup> Une ngaya nsisimikisye; uswe twīsa kumanya fīngipo Kitatu nkilo. Linga Untwa ikwitikisya, kangi ikipanga kikwipilikila injila iyo, Une ngulōnda ukuya nakyō i Kitatu, Kina, Kihano, Mpyāgilo, kangi Pandungu, ukuya luyigo apa, itolo ulusisimuko Iwa bumanyisi Iwa Lisyu. [Ikilundilo kikuyoba, “Ameni.”—Nsimbi] Kitatu, Kina, Kihano, Mpyagilo, kangi Pandungu, itolo ukumanyisya pa Lisyu; komma ingomano sya bubumbulusyo, lōli ukumanyisya. Lumo u Ntwa isakulongolelāga uswe injila yila. Kangi polelo uswe...Une itolo nkiganile ukuya na umwe nukuya nu bulilanisi ukusyungutula i Lisyu, na umwe. Ndaga umwe, fiyo, panongwa ya uyo unununu, “ameni.”

<sup>33</sup> Lilino, mu ntu gwa 18 ugwa Syantubalilo, kangi ukwandila pa linandi Iya 12, uswe tukulonda ukwala aminogono gitu, itolo ku kabalilo kamo akanini pa kimanyisyo ikilōndigwe iki ikya lisiku ili. Gwākwānda Syāntubal-..., pamo, Syantubalilo Gwākibili, une ngusūma uluhobokelo Iwīnu, Gwākibili Syantubalilo 18:12, kangi uswe twīsa kubala akayabo ka ikyēne, nu kukéta iki u Ntwa gwītu isakuyaga na uswe ukumanya.

*Kangi u ntumigwa uyu ābūkīle ukunkōlēla Mikaya alinkuyoba ku mwēne, ikuyoba, Kēta, a masyu ga basololi gikufumusya ubununu kwa mwalafyāle nu bwītikisanio bumobwēne; itikisyaga ilisyu Iyako polelo, une ngukusuma ugwe, yaga bo yumo mwa bene, kangi yoba ugwe ubununu.*

*Kangi Mikaya alinkuti, Bo mūmo u Ntwa mūmi, na iki Kyala gwāngu ikuyoba, kila une nguyobaga.*

*Kangi akabalilo kako umwene ālīsīle ku mwalafyale, u mwalafyale alinkuyoba kwa umwene, Mikaya, ngimba uswe twisakubūkāga kula ku Ramoti-giliati ku bwīte, pamo twīsa uswe kwībwako? Kangi umwēne alinkuti, Būka ugwe kula, kangi kaba, kangi abēne bisakutwālīgwa ku kiboko kyāko.*

<sup>34</sup> Lilino, ukwala ilinogono lyitu pa kabalilo kanini; itolo ilisyu limolyene ku Mwene kangi, pa iki.

<sup>35</sup> Gwītu Tāta Gwākumwanya, ni ndūmbūla isyakupālisya uswe tukusegelēla Ugwe itolo lilino, mbuyo bwa myōyo imiyōnge, buyo bwa bala bābo bafūmbwe, mbuyo bwa kipānga. Ukuti, u Mbepo Mwikemo alīsaga mu Lisyu mbibimbibi lilino,

uswe tukusuma. Ega Ilyene kulakula ukutalula ku ndumbula yili yosa apa iyi yilinako ukufumbwa. Kangi akabalilo kâko Umwêne ikutwâla i Ndumi Yâke iya maka ga Lisyu mu ndumbula, uswe tulikabâga ni Yêne, ulubunju ulu; tukubûka, ukusôkâpo pa kipânga, tukusângaluka nu kutûfyâ Kyala, tukuyoba, “Indumbula syîtu sikupya nkati mmyîtu, panongwa ya Kuyapo Kwâke.” Kabuno uswe tukusuma ikyêne mu Ngamu Yâke. Amenî.

<sup>36</sup> Ubuyo bwitu bukwâlila, ulubunju ulu, pa butolwe. Kangi u Lwîtikâno Ulukûlu, kwa une, ko kabalilo kôsa nsyûngulu pamo i—pamo uku ukundalika-ngâni kwa Lwîtikâno Ulupya. Utubalilo twingi, umunduyumo ayobile, “Nkundwe Branham, nongwa ya fiki ikyene kili ugwe akabalilo kosa kwegwa u Lwitikano Ulukulu? Kifuki akabalilo kosa, ukwegwa ilisimbo, ugwe kwisakugomokela ku Lwitikano Ulukûlu.” Une ngubomba ikyene panongwa yakuti une ngukigana ukufwânikisania. Une nkiganile. . .

<sup>37</sup> Ubumanyili bwangu bunini fiyo, mumo bosa bikumanya. Kangi injila yene iyi une mmenye ukuya ku buyobumo kifuki ntalusye, ko ukukêta iki ikifwânikisilo kyâli, ukukwêgelelâpo ikyabîndikisyila nu kukêta iki ikyêne kyâli. Kangi polelo une mmenye iki *kila* kyâli kindukimo kifwanefwane ku *iki* kili apa, panongwa yakuti ikyene kyo itolo nsyungulu gwa ikyene. Kangi une akabalilo kôsa ngukêtêla kunyuma ku Lwîtikâno Ulukûlu ukukêta iki abâna ba Israeli bâbômbile, ukukêta iki ulufundo lwa butulwanongwa bwâli, ukukêta iki ubugolosye bwa basololi bwâli, ukukêta iki fyôsa fila ifîndu fyâli; kangî polelo une ngwîsa kuyanayo i fûndo *iki* kila apa, iki kibîkile-ngâni-unsyûngulu iki kisa kuyaga mu bumalikisyo bwamwâle ku bumalikisyo.

<sup>38</sup> Mukabalilo aka, kyâlipo ikindu ikikulumba kikuboneka kwa Israeli. Ukwêne kwâli mu ngîsi iya pakilo-pakati.

<sup>39</sup> Mu Lwitikano Ulukûlu, linga Untwa ikwitikisya, lumo mu ngomano isi sikwisaga, Une ngulônda ukunângisya mûmo fikuti i Ngulilo sya Kipanga Ihano-na-ibili sikwêgelelêla lôsa mu Lwîtikâno Ulukûlu. Mûmo fikuti abêne balinkwânda itolo katikati bo ku—ku bwândîlo bwa Ngulilo sya Kipanga kya Bâpânja, nukubuka mulamula ukusuluka ukukinda i ngulilo ya ngîsi, nukwisa panja mu kabalilo ka lwimiko lwa Pentekosti, ku bugwîlwe bwa Mbepo Mwîkêmo mu kipânga ikyândâne ikya i. . . mu kabalilo ka kîYuda. Polelo ukukîndamo mu kabalilo akângi ka kipânga kya Bâpânja, ukukîndamo ngulilo ya ngîsi, kangî polelo ukwisa panja kangî mu Fyinj’elifu, ku bumalikisyo.

<sup>40</sup> Lilino, mûmo fikuti kunyuma mu nkati-kati mwa fyînja-mia kula, uyu unkulumba u mwalafyâle Ahabu âfyûkile mu maka. Kangi umwêne âli mu luko lumo îtogaga pa bufumuke bwa banyafyâle ba kîIsraeli abângi, iki kyo kyâli i. . . Ahabu, mwêne, âli mu luko lwa—lwa mwtiki gwâmumpaka. Une utubalilo

twingi njobile isya mwene injila iyo, panongwa yakuti umwene ali kiyabo kya kabalilo pa lubafu *ulu* ulwa lupaso, kiyabo kya kabalilo pa lubafu *lula* ulwa lupaso.

<sup>41</sup> Ugwe ukabagilāmo siku ukumanya kūko kwīmāga, u nyāmbāla unsitakwīmikigwa bu ulo. Pamo, u mūndu uyu ikwīyobēla ukuya Nkristi, kangi uyu nsitakwīmikigwa, ugwe utikumanya ikyākubōmba isya mūndu yula. Umwisyugu abene bo Nkristi; kilabo ugwe utikumanya kuko abene baliko. Mu kipanga umwisyugu, abene bikusangaluka nu kwimba nu kumpāla Kyala; kangi kilabo, pānja ukunwa, ukwikyēla, ukwēndēdeka. Polelo u luko lula lwa mūndu lo lukafu ukubōmba kalikōsa nalo.

<sup>42</sup> Une ngukūmbuka, ukuya ndumiana, akabalilo kamo uswe twālinayo i—i falasi iyaiyolo, ukuti umwēne ālisibile ukunyēla imbaso akabalilo kōsa. Kangi une ngusakikisya mwe bingi ba umwe banyāmbāla, ku ngulilo yāngu, mubagile ukumanya ukugomokēla mmasiku ga falasi, amasiku ga magileta. Une nisile akabalilo kīngi, papapa pāsi pa lukīndi apa, ngwēndēsya ifalasi ni gileta, nimwēne. Une ndi malongo—mana—na—fihano. Popāpo, abēne . . . une ngukūmbukila, i falasi yayiolo iyi, uswe twābikāga iliyōko pa likosi lyāke, mūmo ugwe gwābagile i ng'ōmbe, ukunkyunga umwēne ukufuma kukunyēla u lupaso. Kangi umwēne ānyēlaga, mulimōsa. Kangi umwēne ātulikāga iliyōko lila nukwīsyūmbutūsyā mwēne ukusyūngutila, na fyōsa bo ifyo. Umwēne āfikāga ukukilania pa lupaso. Kangi ilisiku limo, iki umwēne . . .

<sup>43</sup> Une nāswīgile iki kyākwābāga yula ugwaiyolo umwīnitu. Kangi pala pālipo ikinywāmu ikibwīna pāsi pala. Lilino, umwēne ālīmīle nkati mu mabuba, o, pamwanya, lōli umwēne ālōndāga . . . Yālipo indeka simo sya līsu lya ndukubo nu kibwīno kimo. Kangi umwēne alinkunyēla u lupaso lula nu kufika nkati mula nkibwīna kūko fyōsa ifi lusāmbō na mandalasi, kūko uswe twāli . . . nkati bwītu—bwītu mbutāgilo, nu kufika mula ukwēgako ubwīsusye bwa nkanwa bunāndi bwa līsu lya ndukubo lila. Kangi uswe twāfīmbilisigwāga ukwēga i falasi simo inyīngipo nu kunkwāba umwēne panja pa kibwīna kila. Akabalilo kāko umwēne ālīngile nkati mula, umwēne ālitūlike mmwanya. Kangi akabalilo kako umwene aalimile panja pala, umwene alinkutetema nu kusook'ililopa, kangi—kangi mumo umwene aali, itolo ukwākwegā akafubatilo kamo, pamo tubili, aka līsu lila ilya ndukubo, akabalilo kāko umwēne ālīmīle nkati mmabuba, kifuki ku fifūndo fyāke.

<sup>44</sup> Une kingikingi ninogonaga isya picha yila. “Injila ya mundu unsobi ngafu.” Umwēne itolo akābagile ukusyāla kimyemye kūko umwēne ālyāga nukuya na kabalilo akanoge, lōli i . . . umwēne āfīmbilisigwāga ukunyēla u lupaso nu kubūka ukwakukuyubuligwa mōsa nu kukekigwa bo lula, itolo ukwēga ulufūmbatilo lwa—lwa līsu ilya luko lumo ulūngi ulukīndāne.

Lilino, iyo yo kifuki itolo yo njila abāndu bikubōmba, aba bikunyēla u lupaso lwa ndeka ya Kyala. Ngimba umwe mutikwitika ikyo? Bikusōkāpo, ukubūka umwīsyūgu; bikwisaga muno. Bali nkipanga, ukuya na kabalilo akaswigisye; polelo, kilabo, ukūlisigwa ku kindukimo bo ikyo. Ikyene kikapela ikyene ukuya kikafu fiyo.

<sup>45</sup> Ahabu āli pabwīngipo pamo pabuninipo luko lula ulwa mūndu. Injila yiliyosa iyi umbelo gwāputāga, Ahabu āli nu mwenda gwāke gubīkīgwe, linga ugwēne gwāli pa lubafu *ulu* pamo ulubafu *lula*. U bwēgi bwāke bwāmfikīsyē umwēne mōsa ukufuluganika, na kakīkūlu akanini aka kāli kēhe akanini, akānakalīndwāna ka mwalafyale, u Yesebeli. Mmogi fiyo ukukēta, unkīkūlu ummogi fiyo, lōli mu ndumbula yāke umwēne āli mbībi. Kangi umwene āli mwiputafifwani, kangi umwene āpelile Israeli gwesa . . .

<sup>46</sup> Lilino, mūmo une ngulōnda ukusonelela pala itolo ku maminiti manini, mūmo ikyēne kyayīlīle, mu kwīngila nkati mwa kikōngoti kya ubu pa buyuba, muketile, pala. Kangi akabalilo kako u nnyambala ikwanda ukwegana; u luko lwa ndindwana, unkikulu uyu umwene . . . Ikyene kyo kukindapo itolo ukukēta ku bumogi. Ugwe kufīmbilisigwa ukwēga umunduyumo, fyōsa-fibili mōyo nu mbili filūngīsēnie palikimo; umunduyumo uyō yo naloliloli ikuyaga mwīnāko kangi mmwanganayo, uyu isakūmilisya na ugwe ukukīndāmo mbukafu kangi mbufinyu.

<sup>47</sup> Lilino, lōli, Ahabu, umwēne āgwīle itolo kuli umwēne panongwa yakuti umwēne āli mmogi, une ngusakikisya, nukwēga. Ikyēne kikābagile ukuya nakimo ikīngi lōli isya umwēne, panongwa yakuti, mbībi bo mūmo umwēne āli. Kangi umwene alinkwisa ukukilania kula. Kangi polelo, ena, ukuya gwakiniembeteligwe nu mwēne bo ulo, nukungana umwene, fiki, umwene alinkupela gwesa Israeli ukutulw'inongwa kangi ukubuka ukulwana na Kyala, kangi nukulepulania pāsi ifigemo fya Kyala; alinkuyēnga mōsa ifigemo fya Baalimu. Kangi abēne bāli nu bwīpūti bwa Baal mōsa ukukīndāmo mu Israeli, pa kabalilo kala.

<sup>48</sup> Lilino, unkasi gwāke āpelile ungolofu Naboti . . . Bīngi ba umwe mubalile isya umwēne. Mumo umwene ālyēgile u ngunda gwake, nu busyobi; alinkulapa, u butūngulu, kangi ali nabo abaketi ababutungulu ukulwana nu mwene. Panongwa yakuti, umwēne ālōndāga ukubōmba ikindukimo kuli ndume gwāke; nu kugoga u nyāmbāla ungolofu, ukuti ēge u ngūnda ugwu gwālūngīsēnie kifuki ku ngūnda gwa nyūmba-ya-bunyangyāle.

<sup>49</sup> Fyosa ifi, Kyala āketaga pasi. Polelo unsololi, Eliya, uyu yo ali nkulumba, gwamaka mbombi gwa Ntwa, alinkusolola nu kumbūla Yesebeli iki kyāyaga pakuboneka ku mwēne. Kangi umwene aalimbulile Ahabu ukuti imbwa syāyāga pakumyānda

lilopa lyāke lyēne. Lilino, akabalilo kako Kyala ayobīle kalikosa. . . Ena, amasiku gala, i Lisyu ilisisimikisigwe lya Ntwa lyālisīle ukwisila mu nsololi.

<sup>50</sup> “Kyala, ntubalilo utukindanekindane mu njila ingindakindane alinkuyoba ku ba tata ukwisila mbasololi, mu lisiku ilyabumalilo ili ukwisila Mmwanundumiana Gwake, Kristi Yeso.”

<sup>51</sup> Polelo, *Ili* lyo Lisyu. Kangi linga kalikosa kakulwana na *Ilyo*, kileka kyene pakyene. Muketile? Lilino, mwakibili, Umwene ikuyoba umwisyugu ukwisila mu nsololi, u nketi, na fyosa. Loli ikyakwanda kyo *Ili*, i Lisyu. Lilino. . .

<sup>52</sup> Kangi Ahabu āfumile pakubōmba ububībi ubu. Kangi umwēne alinkukīndilila nkyēni; Kyala ikusaya abāndu ku fyīnja fīngi. Kangi, kubumalikisyo, Yehosafati aali mwalafyale pamwanya pa Yudah, akabalilo kako Ahabu aali mwalafyale pamwanya pa Israeli.

<sup>53</sup> Kangi, polelo, Yehosafati aali nnyambala ngolofu. Umwene aali mwanundumiana gwa Asa. Asa āli u—u nnyambala ungolofu, kangi umwene āswanyulenie pāsī ifigemo fyosa ifya— ifya fifwani; ukuyenga ifigemo fya Yehova. Kangi abēne bali nu— nu luyigo, mūmo ikyēne kyāli, kula mu Yuda.

<sup>54</sup> Kangi polelo ukukīndapo a kabalilo, Yehosafati, pamo Ahabu ndigi, alinkutuma pamwanya, kangi umwene alinkusyagania akayabo akangi ka kisu, mu Syria, aka umwēne inogonāga kāli ka umwēne, aka umwēne inogonāga umwēne ābūkāga ukwākwēga. Popāpo umwēne ālālulisye uyu Yehosafati līnga umwēne ābagile ukwīsa nu kupela ulupālāno nu mwēne.

<sup>55</sup> Kangi, ena, bulipo i soka ingukulumba lilino, muketile, akabalilo kako abene bambwene u mwalafyale unkulumba uyu, Ahabu, pāsī pala, kangi abene baketile uyu unkulumba kumwanya apa, Yehosafati; yumo mwa bene, ndungulano; uyungi, unnyambala umwisusigwe-na-Mbepo. Kētēsya mūmo ugwe kupela ulupālāno lwāko. Kētēsya iki ugwe kubōmba, mūmo ugwe kwibīk'iyōko gwīmwēne lōsa na basitabītiki. Ibika gwimwene nswepe, fiyofiyi mu lisiku ili uswe tulimo nubumi.

<sup>56</sup> Une ngwitika, kipanga, kisita nsyūngūlu gwa kwilamwa, iki kyokīgwe pa ndumbula yāngu. Iyo yo nongwa une ngulondesya ifilo fihano, lululu; ukuti kamokēne kāngi, bo kikāli ikyēne ukuboneka, ukukipa ikipānga iki ulusānjulo lōsa, ukwīsila mu i Bāngēli.

<sup>57</sup> Uswe tukwitugasya mu misyūngūlu gya kabalilo. Ikyene kibagile ukuboneka akabalilo kalikosa. Akabalilo kāko uswe tukukēta utubalilo tukwīsa kuli ifīndu ukuboneka pabuyo; bu bubībi bulabula ubwa ndugu, ga maka galagala. Uswe tukukēta ku igi imibelo-gya-matalala na filifyōsa fikuboneka, syōsa i mbūngo, fyōsa ifīndu ifikīndāne. Ifyo fyo fyōsa fipelīgwe na ifi ififuluganiko, ifya kwāsya ifipufulilo ifi ni fīngi. Abēne bikwēga

ifindu fyōsa fifuluganíkène mōsa apa. Kangi abēne bikwāngāsya ukusyūngutila mu inywāmu inyūmba-ya-sayansi ya Kyala, ukufwānikisya i Lisyu Lyāke. Ikyēne kikuyaga pakuboneka.

<sup>58</sup> Polelo, “unnyambala gwa bonangi” ikufyukila, amaka, nubusyobi fiyo. Mwe. Une mbilike u ndumbilili ulubunju ulu, u nnyambala umwisusigwe-na-Mbepo, ukwēga ubungw’āle bwa kinyamana nukuyoba ukuti undwananakristi āli Russia. Iki kyo ubusobi nki. A-ha. Russia akaya nakyo nakimo ikyakubomba ni kyene. Umma, nkulumba. Ikyo kyo Mwasimbo. Lilino, lōli kētésya mu kabalilo akakulumba aka kāko uswe tulimo nu būmi, u busoke.

<sup>59</sup> Lilino, uyu Yehosafati, ukwīpilika mu luko lumo lwa nnunu panongwa yakuti u mwalafyāle unkulumba gwa Israeli āyobile, “Gweisa, njātila une.” Kangi umwene alinkubuka kula. Kangi abene balinkwega ingāmbāko ni ng’osi, na fyosa bo ifyo, bābombile ilikemo. Akabalilo kōsa, mu ndumbula ya Ahabu pāsi pala, umwēne āli nsyōbi, ’nongwa yakuti umwēne akīpūtāga ikyo. . . pamo ukupa ingo’osi yila ni findu ni ndūmbūla iyabwānalōli, panongwa yakuti, mulimōsa, umwēne āligēmekisye mbwīngipo ku bwipūti bwa nkasi.

<sup>60</sup> Kangi kētésya, itolo bo mūmo Ahabu ālyēgīle Yezebeli akabalilo ka ngulilo ingulumba yila iya ngīsi ya Israeli ingulumba, umwēne ātwēle u bwīputafifwāni nkati mu Israeli, ki kyākwēgelēla kilakila kya umwīsyūgu. Itolo mu ngulilo ya ngīsi; akabalilo kāko uswe tukusōkamo ukukīndāmo abatumigwa bapakwānda, ukusyūngutila kwakibili, ukusyūngutila kwa kitatu, ukukilania mu ngulilo ya ngīsi, ifyinja elifu-na-sinda. Itolo bo Ahab alyēgīle Yezebeli kangi ātwele ubwīpūtafifwani mu Israeli, momumo i kipānga kya Mbepo Mwikemo kyālyegile mu fimanyisyo, kangi ātwele i kifwani ukugomokela, kangi umwisyugu ikyene kyo bubumbe bwa Kikristi. Muketile? Muketile, itolo i ngisi fiyo. Kangi lilino ikyene kyēndile nkyēni ukusuluka, ilisiku lililyosa; ingulilo ya kipanga kilikyosa kikwikilila ku kindu kilakila, ku bunoge ubukulumba, ku bwitugasye ubulungule bukwīsa, abalūngūle aba Ngulilo ya Kipanga kya Laodikiya. O, yo sala nki iyabusisya iyi uswe tulimo nu bumi.

<sup>61</sup> Pilikisya. Une ngulōnda ukulāta papapa apa, bo ngāli une ukukīndilila pabutalipo. Une ne ndumbilili gwa njila-syaiyolo uyu isyukile ukuketa amasiku agaiyolo kangi. Une ngētile fingi fiyo ifya iki kyākwēgelēla, Hollywood ikumwekusya i Nongwainunu, mpaka une fiyo ndi mbine kangi ngatele isya ikyēne. Ena, nkulumba. Une ngulōnda ukukēta injila iyaiyolo. Une ngutīla uswe tukutēndēka i Kikristi kimogī fiyo ku bāndu; ikyēne kyo lukīndi lwa bubībi.

<sup>62</sup> Lilino, Yehosafati ikwisa pasi, ikwinogona, “O, ena, u mwalafyale unkulumba gwa Israeli, une itolo ngu. . . O, uswe

twisa...Ikyene kikuyaga kyosa kinunu.” Kangi palapala pakatikati pa gwesa gwa uyu unkulumba u mulimuli, ngimba umwene abombaga fiki? Umwēne ātēndīke u lupālano, ukubūka kula nukulwāna nu undugu, pa buyo bwa aligwesa, panongwa yakuti abene balinkuti, “Uswē twesa tuli bandu bafwanefwane.” Loli abene bakāli mma. Kimo kyāli kibugutila kisusigwe-na-Mbepo, ikingi kyāli kibugutila ikilungule. Abēne bakaya bāndu bafwanefwane mma. Umma, nkulumba. Ugwe ukabagila ukuya...

<sup>63</sup> I ngīsi yikabagila ukuyanabo u bulilanisi nu bwēlu. I—i kilo kikabagila ukuyapo mu kuyapo kwa bwēlu bwa lisuba. Kangi akabalilo akateleleke fiyo aka kaliko, ka pakati pa tubalilo. Itolo akabalilo kāko i lisuba likusuluka pāsi pamo ukufyūka mmwanya, ko kabalilo akakateleleke fiyo aka kaliko. Yikayako imboniboni ya kufikapo ukukēta nubulāngāle; imuli syāko pa ligali lyāko sitisakunāngīsyā kanunu kāngi nubwēluke. Ikyēne kyo kinunupo ukuya pamo ngīsi pamo bwēlu. Yeso āyobīle, “Yaga mpyāno pamo ntalalifu, komma ndūngūlano.” Itolo, ulo lo lukīndi lwa bubībi.

<sup>64</sup> Kangi polelo Yehosafati, akabalilo kāko umwēne ukwīsa ukusuluka, kangi polelo ulupālano ulukulumba ulu lwātēndekigwe, ulu lukālinhobwīsyē Kyala. Kangi kētēsya, itolo nkabalilo ka bwāke, lōsa lwa busāngaluke bwāke, “Une ndinabo u bukūndwe nu mwalafyale uyu. Kangi, o, une—une—une ndi nu bulilanisi nu mpalamani uyu. Une ndinafyo...”

<sup>65</sup> Muketile, mwāndege, ikyo, kipanga. Muketile? Ikyo kyo iki kikupela ulutamio losa ukusyungutila ikipanga iki apa, kangi ukusyungutila ifingi. Muketile? Mwāndege isya iki umwe mukwīfulugania nakyo. Muketile? Isaga itolo panja, kangi yaga lumo mwa Kristi pamo kuyaga ukulwana nu Mwene. Muketile?

<sup>66</sup> Lilino, u mwīnitu uyu ātēndīke ulupālano, kangi umwēne īnogonāga umwēne ābōmbīle ikindukimo ikikulumba. Napāpo, akabalilo kāko umwēne āyobīle, “Ngimba pakayapo lilino, bo tukāli uswe ukubūka kula, uswe tukulōndigwa ukundālusya u Ntwa isya iki?” Lilino, Yehosafati ālinabo ubwīpūti ubwākufikapo busyēlepo mu mwēne, mu ngilania yāke, ukuti umwēne ābūkīle ukusuluka kula ku mwalafyāle uyu, lōli umwēne ālinabo ubwīpūti bwākufikapo busyēlemo mwa umwēne ukwīnogōna, “Mulimōsa, uswe tukulōndigwa panini-fiyo ukundālusya u Ntwa.”

<sup>67</sup> Lilino, Ahabu ābūkāga itolo panja kisita kuyoba i lisyu; itolo ku busukulike bwāke mwēne, mu mbili, injila ya būndu ya kubōmbēla ifindu.

<sup>68</sup> Une itolo nguswiga papapa apa, kipanga, linga ikyo kikafuma ukuya, utubalilo twingi, uswe tutēndīke ingilanio. Inogonela ikyēne mōsa, kangi yoba, “Ena, ikyēne kibagīle ukuya injila *iyi*,” kangi uswe tukubīka ikyēne bo ulo.

<sup>69</sup> Une ngwīnogòna apo po pāpo ikilündiko kyōsa kya busasanianongwa bwa kiMerika buyīlile umwīsyūgu, ukuti uswe tubātike ikyēne mu bubūmbe bwa—bwa, une mbāgile ukuyoba, busasanionōngwa bwa Hollywood, ikilündiko kyōsa kya mwekumweku. Uswe tukukētesya undumbilili ikwisa ku kigemo, umwisyūgu, kangī, mwe, umwēne yo lōsa gwākutūfyā, nu kuyoba ikulündiko kyōsa kya sūnga bo akāli umwēne ukwānda ukulūmbilila, ni fīndu bo ifyo, nu kwīyēgēla nkyēne ni fyākukina bo yu nsekesye, mu kigemo. Akabalilo kāko ikyēne kikwīsa ku kutēndēka ukukōlēla kwa pakigemo, a bāndu batikukēta nu bwānalolindūmbūla bulibōsa ukutēndeka nabo ukukōlēla kwa pakigemo. Uko ko kotalusya. Iyo yo nongwa ikīsu kiyīlile mbuyīlo bwa bulungule umwīsyūgu, ubu ikyēne kili.

<sup>70</sup> Une nguswiga, umwisyūgu. Ikyene kyo itolo, umwisyūgu, une. . . I kipanga, uswe tugelile ukutuma abalumiana bitu ku sukulu, ukwa kumanyila fūnda-mīnogono, ni fīngi bo ifyo, ukumanya akābīkilo ka lubātiko, u kufika mu kigemo nu kūbatika ifyītu. . . I ndumi yo yaluhaho fīyo, mpaka iyēne yisakukola a bāndu, nu kukola ulutego lwābo. Kangi bīngi abafundamīnogòno bikubūka pānja ngati bamanyisi bo ulo, nu kukina nukufwālapo ikilündiko kyōsa kya kindukimo. Kangi une itolo nguswiga, akabalilo kako abene. . . ukuti. . . Uswe akabalilo kosa tukuyobaga isya bumogi nu lukwabo lwa kipanga. Lōli uswe tukutoligwa ukubabūla abēne, “Umwēne yūyo isakungōnga Une, unko umwēne ipike mwēne, apīmbege ikipingika kyāke, nukungōnga Une.” Une nguswīga linga uswe tukapela ubumogi bwa kipānga ukuya kimogi fīyo, kuli u mwīnitu uyu ikwīsa nkati.

<sup>71</sup> Kuli ubwēgelēlo, i kipānga kya Baptisti umwīsyūgu kili nu buyobelo bumo, “Elifu-elifu yimo ukōngelelāpo mu ’44,” ukwīngisya nkati abakipānga ukwisila ma elifu, kangi a malongo ga maelifu, basitakupīndūka, itolo bāndu aba bikwīngila nkati nu kwīlūnganisya ku kipānga. Kangi ikyēne kyo kyākumeleligwa ku Kipānga kya Yēso Kristi, ukwēga abakipānga bo bala nkati. Abēne bakāli bikunwa. Abēne bakāli bikukwēsa. Abēne bakāli bikulagusa. Abēne bakāli bikusyōba.

<sup>72</sup> Abēne bikwīsa ku kipānga, bikugūlila ukuya basangalusīgwe ni kipāmbō kya basasanianongwa ba Hollywood aba bikubūka pamwanya, ukubikapo ikilündiko kya mulimuli fīyo, kangī ni kilündiko kya fyombo ifinywamu fitugesye-pamwanya-na-pasi pa kigemo.

<sup>73</sup> Akabalilo kako, abēne babāgisēnie ukuya nu bwitugasyilo-bwa-ubwaiyolo, Kyala-tāsi, ukukūta panja, ukukōlela kwa pakigemo pāsi pala; kūko abanyāmbāla na bakīkūlu batikwīsa ukupel’ubumulike, pamo ukubopa pamwanya nu kukina u nsekesye, lōli ukufika pāsi ku kigemo nukusyāgānia ukuti u bufwe bwa Yēso Kristi pala, uyu āfwīle panongwa ya bēne, ukuti abēne bikugomokako u bwanaloli-ndumbula na Kyala kangī.

74 Une nguswiga linga uswe tutikuya nu bumi mu luko lula ulwa kabalilo, akabalilo kako uswe tukwegwa abasasanianōngwa abakulumba, ngati bīngi bikukilania ifisu umwīsyūgu, isya basasanionōngwa abakulumba-bafumuke aba bikufūnda ubufunda-mīnogōno kangi ukukwaba abandu ku kipanga. Loli linga ugwe itolo kubega abene nkipanga, polelo ugwe kubombaga fiki ku bene? Fiki—fiki ngīm̄ba abēne bikuyaga pakuboneka ukufuma pāpo abēne bikwīsa nkipānga? Itolo ukwingila i kipanga, nukugomokela nu butulwanongwa bulabula kangi ikinyonywo kilakila iki abēne bikwīngila nkipānga nakyo. Abene bikugomokela injila yilayila. Kangi iyo yo nongwa, umwisyugu, ikisu kikukētēlēla, bikuti, “Ena, linga u nnyambala *yula* āli nu bwiputi, linga u mundu *uyu* āli nu bwiputi. . .”

75 Une ngutila uswe tupelile ikyene ukuya kipepe fiyo. Ikyēne kyo, une nkiganile. . . Une ngwīnogōna, buhobofu, nalōlilōli, une ngwītika ukuti syōsa i sangaluko sila sikulāmbalāla mwa Yeso Kristi. Uko ko kotalusya. Une ngwītika ikyēne kyo kyalusāngulusyo kangi kyabuhobofu. Lōli kumbukila, nkūndwe, iyēne yo n̄jila ya bubabe nu bukubilwa nu kipīngika. Umwe mukufimbilisigwa ukukyāgānia ikyo, kyōpe. Uko ko kotalusya. Une nguswīga linga uswe tukusīngūla ikyēne panini fiyo—panini fiyo kitenenefu.

76 Ngati, une nākētāga, kangi unkasi gwāngu alinkubīka. . . Une ndinkwānda pānja, kangi umwēne alinkubīka ililuba pa kijāsi kyāngu ulubunju ulu. Umwene alinkuti, “Ugwe kufimbilisigwa ukufwala ilyene. Mama gwako mūmi.”

Kangi une ndinkuti, “O, luuki, une ngamanya.”

77 Lisiku lya Māma lyo linunu, lōli ikyo kyo ngati kīsu, abēne bakibīkil'ibiashara i kindu, itolo kwēne ukulisya amaluba ni findu bo ifyo. Fiki, ikyene kyo kusōsyāk'ulutūfyo kwa māma. Fiki, u māma gwangu yo māma gwangu i lisiku lililyosa ilya kyinja, ena, nkulumba, komma itolo i lisiku limolyene.

Une nguyobaga, “Ugwe unganile māma gwako?”

78 “Une nālītūm̄ile umwēne ikubugutila kya maluba i Lisiku lya Māma ili likīndile.” Mulimōsa, nkundwe, umwene abagile ukuya mama ilisiku lililyosa. Loli ilyene lyo lyābiashara.

79 I liluba lila lyo limogi. Une ndiganile ililuba ilimogi. Une ngwīnogōna isya ilyo itolo mūmo une ngubōmbēla. . . Mūmo liyīlile ililuba ubumogi. Ilyēne likuteketa. Kangi ilyēne likuya nu lūma. Kangi unkisanie ikunūngisya ilyēne. I kinyamana kikwīsapo, kikunūngisya ilyēne. Loli, lilino keta, ilyene lyo limogi. Bo i Kipanga kya Ntwa Yeso Kristi, Ikyene kyo kindu ikyalwimiko ukukinda; Ububumbulusyo Bwakyala, na maka, ni fiswigo, ni fimanyilo, kangi ifika, kangi nu bwabuke ukufuma ku butulwanongwa. Ubwene bo buyo bumogi. Loli, kēta, linga

ililuba lila. . . Uswe tukufimbilisigwa ukwisa, i Kipanga, bo ubupeligwa bosa.

<sup>80</sup> I liluba lila, ukuya limogi, ing'ombe yiliyōsa nkīsu yābagile ukumyānda pa lyēne linga umwēne ābagile. Lōli ikipeligwa kyāpēle utulūbo utunīni, utungwēbo utunīni tutupukīle pānja pala, tukukōlélīgwa mīfwa, kangi isyēne sikugaleka agēne pabutali. Ikyo kikaponesya ikyene. Ikyo kyo katikati.

<sup>81</sup> Kangi une ngwinogona, umwisyugu, linga uswe tukaya nalyo i Lisyu lya Kyala, lisūfipo ukukinda ingwebo imbyasye kubilikosa, ukusyungutila ubumogi bwa maka ga bwīkēmo bwa Kyala, uswe tukuyaga ukuleka ing'ombe yiliyōsa nkīsu ukumyānda pa Lyēne nu kupulula i Lyēne. Iyēne yisakumatamata Ilyēne. Iyēne yisakuya kyakumeleligwa ku Kipānga. Uko ko kutalusya.

<sup>82</sup> Une ngwīnogōna, iki uswe tukufūmbwa kyo bīngipō abākayīlo-kaiyolo, abalūmbilili abakōleligwe-na-Kyala, babisi, lumo kisita bumanyili bwīngi, lōli bisakutwāla a bāndu pāsi ku kigemo kimo, kangi pala ukwīkubilisya. Komma nu buhobofu nu kuseka, nu kupufula i gamu gwakutafunya, nu kubīka ingamu yābo pa kakalatasi; lōli, nkūndwe, u kwaiyolo ukukūta lōsa nu kufwa lōsa, mpaka abanyambala na bakikulu lōsa bapindukege panja ukufuma ku mbībi syabo nu kwisa kifuki na Kyala. Amenī.

<sup>83</sup> Une ngubabula umwe, uswe tulinakyo, “Fyusya ifiboko fyinu, aba bikulonda ukwitikisya Kristi,” fyosa bo ifyo. Ikyo kyo kili kanunu mosa, nkundwe, lōli ikyo kitiku—ikyō kitikusosyāmo ubutulwanongwa.

<sup>84</sup> Ugwe kufimbilisigwa ukupinduka tāsi, yaga nnu, ukwisa pāsi pala kangi naloliloli kūta mōsa. Une mbagile ukukūmbuka utubalilo bo abāndu abakayīlo-kaiyolo bēndāga ukusuluka ukukīndamo mu mikolofwa, kangi ukufyūka nu kusuluka i mīsebwe, bikukuuta, kangi ukuyoba ku bapalamani babo. Abo bāli Bakristi ba lisiku lila; ukubabula abene isya findu fya Ntwa.

<sup>85</sup> Kangi, umwisyugu, uswe tukubīka ingamu yītu pa būku gwa kipanga, nu kusōkāpo nu kusyāla pa kāya, kangi nasiku ukuyoba i lisyu lya Ilyēne. Basitakupāsyā. “Itolo pēne pāpo uswe twīngile i kipānga, ikyēne kyo kyōsa kinunu.” Une nsisimikisye uswe tuli basobi apo, bāndu. Kētesya mōsa. Kabuno, ikyo kitisakwima pa bulongi. Umma, nkulumba. Ikyene kitisakubomba.

<sup>86</sup> Nakimo ikyakusyālāpo, “Umwēne yūyo isakungōnga Une, unko umwēne ipīke mwēne, apimbege ikipingika kyāke, nu kufwa ilisiku lililyōsa.” Syāla mfwāno, pala pa kipīngika. Uko ko kutalusya. Bubabe! “I njila, une ngwegaga i njila,” umwe mukwimba, “na bafuyuligwe abanandi aba Ntwa.”

<sup>87</sup> Une ngwīnogōna umwīsyūgu, ko kabalilo nki aka uswe tulimo nu bumi! Aka, ubusasanianōngwa, abēne bikukibīka ikyēne pānja mu muli inywāmu ingulumba imulike, kangi abēne bikugela. . . Akabalilo kako ugwe kukuketa undumbilili ikwisa nkaya, ugwe kuswiga. Une, ingomano syangu sitobesigwe

panongwa ya kilakila. Isyo syabwanaloli. Une nguswiga uyu ikwisa nkaya, utubalilo tumo, undumbilili pamo Yeso Kristi? Fiki, abene balinakyo . . .

<sup>88</sup> Une nābukile mbuyo apa, pakaya patali mma, kūko undumbilili yumo abagilile ukwisa. Kangi i Ngamu ya Yeso . . . Fiki, abene bāli ni picha ya ndumbilili, “unnyambala gwa sala iyi,” u nnyambala ali na *iki*, kangi u nnyambala na *kila*.

<sup>89</sup> Une, utubalilo tumo une ngwīnogōna isya butumígwe bwāngu, kangi ngukēta abāndu bikwīsa. Kangi une mbagile ukubuka nkyumba ikya hoteli, nukuti, “Kyala, ngimba ywani—ywani yo bandu bikwisa ukwāgāna, une pamo Ugwe?” Muketile? “Linga abēne bikwīsa ukumbona une, abēne bayōngīle, pōpe; lōli, O Kyala, nswanyulania une pāsi, ega une nsokepo. Une ngulōnda ukwīmīlīla Ugwe, Yūyo Uyu uswe tukwīmaga pankyēni pa lisiku limo, na maboko gakutetema nu kutetema, umbili umōnywa, gukukēta Ugwe. Mmenye ukuti u mōyo gwāngu gutulikigwe pa butumule Bwāko.” Unko uswe tufyūsye Kristi.

<sup>90</sup> Umwisyugu, ugwe kuyoba, “Ena, une ndi gwa Baptisti. Une ndi gwa Methodisti. Une ndi gwa kipanga iki. Une ngubomba *iki*.” O, ikyo kikaya nakyo nakimo ikyakubomba ni kyene; komma ikindu kimo. Une nguswiga utubalilo tumo.

<sup>91</sup> Apa pakaya patali mma, une ngētīle u—u lufumusyo pamwanya, kūko ulusasanio lumo lwīsāga ku kāya. Kangi i lisyu lya nnyāmbāla, i ngamu ya nnyāmbāla yula yāsīmbigwe amasimbo amanywāmu injila yōsa ukusyūngutīla, bo *ulo*. Kangi pasi, pa nguto panandi, alinkuti, “Yeso Kristi yo yuyo mmayolo, umwisyugu, na bwīlanabwīla,” kubutali pāsi mu nguto. Muketile?

<sup>92</sup> Abene balyegile bosa ubusisya ukufuma kwa Kristi, nu kubika ubwēne pa nnyambala yumo, pamo ikipanga kimo, pamo ikipāngānio kimo. Nkundwe, une ngukubula, ugwe ubagile ukuya kupubisigwa na mulimuli, ukusekesya kwa Hollywood, bo lula, mu . . . ukwisila nkipanga. Loli, mu Kuyapo kwa Yeso Kristi, Umwene yo Yuyo gwa kwīmīkigwa. Uko ko kutalusya. Lilino, ubo bo bwānaloli, nkundwe gwangu umpala kangi kalumbu.

<sup>93</sup> Komma ukwīpilika ubukalale pa une. Ugwe itolo kukumbukila ukuti une ngulumbilila kwa ugwe. Une ngulōnda ukulūmbilila bufwānēge ubu bwāli bulūmbilili bwabumalīkisyo une nābagilēmo siku ukulūmbilila mbūmi bwāngu. Une ngulōnda ukulumbilila, ubulumbilili bulibosa une ngulumbilila, mfwānēge une naali mundu ikufwa ikulūmbilila ku bandu aba bikufwa. Kangi, une ne; u bwēlu bwāngu bukupyā pāsi, ilisiku lililyōsa; bwāko bukuya, nūgwe. Kangi uswe twe bākufwa aba bikufwa. Kangi uswe tukufimbilisigwa ukwāgāna na Kyala ugwabūmi, gamo mwa masiku aga, kangi uswe kinunupo tuyege bwānalōli-ndumbula ubusolofu ukufwana na iki.

<sup>94</sup> Itolo mu mulimuli, nu kwipimbapo, nu kwingila ikipanga, nu kubuka *kuno* na *kula*, ukubombela injila *iyi* kangi injila *iyi*.

<sup>95</sup> Uswe kinunupo tuyege nu lukomano-lwa-nyiputo mu nyumba syitu, nu kukuuta kwa Kyala, pamusi na pakilo. Ilisiku lili kifuki, “akabalilo ka butolwe, akabalilo ka lutamio.” Ili Bangeli lyayobile, “ilisiku lyangisi.” Kangi uswe tukwitugasya mu lyene.

<sup>96</sup> Mũmo fikuti unnyāmbála unkulumba uyu āsulukile pāsi pala pāsi pa lusekelo. Umwēne alinkwilungisya mwēne na balungūle, na bamumpaka, kangi ālinogwīne umwēne ābōmbāga ikindukimo ikikulumba, alinkwinogona ukuti Kyala ansaya umwene. Kangi komma ukusyagania ukuti palapala polelo umwene atwalaga nkati ikibugutila kyosa iki nu mwene. Fiki? “Akabugutila kitu akanini, aka—aka Yuda pamwanya apa, kabagile ukwisa ukusuluka nu kulungisania twibene ni fibugutila ifikulumba ifya Israeli. Bo bandu ba maka nki uswe twisa kuyaga.”

<sup>97</sup> Mwākēta umwe lelo. Kangi ulo lo lukīndi lulalula ulwa busyōbi u mōhēsi ikubōmbēla lululu lilino, ukutwāla nkati u ndwananakristi; itolo ukuya nsisimikisi bo une nimile mu iki. “Uswe tukwisa kubungānia ubwīyūle bwitu palikimo.” Uswe tukabagila ukubomba ikyo. Babili babagile bulebule ukwenda palikimo, pene papo abene bapilikene?

<sup>98</sup> Uyu u United States ikutēndēka bulabula, ubwēndelemo bulabula-pamwene kangi ingilano yilayila, akabalilo kākō ikyene kibungenie na Russia kunyuma kula. Ku kabalilo kākō abēne bālītēndekisye itolo ukuya nu bwīte, nu kwīpinya twibene palikimo na Russia. Kangi lilino umwe mukuketa ifi uswe tulinafyo, bule umwe? Abēne bali ndege syitu na fyōsa ifyakusofu fyītu, kangi ifipufulilo fyītu fya atomiki na filifyōsa filāmbalēle ukukilania kula, ukukupufula ikyene ukugomokesya kwa uswe. Ikindu kilakila kikubōmbīgwa ni fyamwambepo.

<sup>99</sup> Polelo uswe tukusyāgānia, ukufuma pāpo Yehosafati ātēndike ulupālāno ulu, kangi abēne balinkulālūsya. Lilino kētēsya, kētēsya ikīsu panja, umwēne alinkuti, “Naloli, uswe tulinabo mwālwe-mwālwe ba basololi ukusuluka kuno. Uswe tulinayo i seminale yīswile na bēne.”

<sup>100</sup> Abēne bikusuluka pāsi nu kubēga abīnitu aba bāfumile pakumanyisigwa, aba bāmēnya u bufundaminogono, aba bāmēnye fyōsa ifya ikyēne. Alinkuti, “Isaga kuno lilino, kangi uswe tukulalusya kangi ukwangala nu Ntwa.”

<sup>101</sup> Bōsa ba abēne, nalōli, mu linogōno lyābo ilyāmumbili ilītūfyē-mōsa, bikwisa pamwanya pala nu kuyoba, “Lilino, keta, uswe. . . Ugwe bukaga lōsa. U Ntwa ali na ugwe, kangi u Ntwa isakukupaga ugwe akayabo ka kisu kumwanya kula, ikyo, ikyene kikuyaga kyako. Ugwe kwisa kuguta aba Syria injila yosa kunyuma. Ugwe kubombaga ikyene.” Yumo mwa bēne nu

kwipelela mwēne imbembe-ibili isya kisulu, kangi alinkwānda ukubopa ukusyungutila bo *ulu*, ikuyoba “Iki kyo iki, ugwe kuyaga pakuguta aba Syria panja.”

<sup>102</sup> Lōli, Yehosafati, itolo paninipo gwamwambepo, ukwīkasya na bula ububole-bwakunūnga bwa kusekesya. Uko ko kutalusya.

<sup>103</sup> Kyala, tupapo uswe bamo aba Yehosafati abakōngelelāpo, babinile kangi bakatele na iki apa ukusekesya kwa Hollywood. Uko ko kutalusya, ukufwālāpo pamwanya, ukwisyobekesya ukuya kindukimo iki abene bakaya; ukwīpela panja, ukukinisya, ukukwabila nkati. Kangi polelo akabalilo kāko abēne bikwīsa nkati, ngimba ugwe uli na kaki akabalilo kāko ugwe gwīngile? Ngati ukulālūsyu u mūndu, “isaga ōgelāga mu lulangalanga”. Nakimo lōli unsanga gwapakiloboko pamwanya pa mutu gwāko, ukupela ubusulumanie ukufuma apo.

<sup>104</sup> Lilino ketesya, nkati mu fiki ugwe ubagile ukubatwala abene? Unkikulu yumo alinkuyoba kwa une ilisiku limo, “U nnyambala yumo alinkuti, ‘Une ngubukaga ku kipanga, loli fiki–fiki une mbagīle ukwēgamo akabalilo kako une nābukīle ku kipanga?’ Alinkuti, ‘Fyosa ifi abēne bikubōmba ko kupāngānia ifyakulya fimo, kangi abēne. . . isya *iki, kila*, kangi i *kingi*.’” Kangi u nkikulu alinkuti, “Une nālimile nsitamasyu, kabuno une ngāmenye kūko ukwakuntuma umwene.” Mwaketa umwe lelo. Alinkuti, “Une ngunyonywa une nābagīle ukwaga ikipanga ikyaiyolo kūko abene naloliloli bikwīmba nyimbo isya kayīlo–kaiyolo nu kwitugasāmo mbunyakyala.”

<sup>105</sup> Bāna bali ni njala, abene bisakulyaga ukufuma mu kipāpa kya kubutagīlo. Ikyene kili ku Kipanga kya Kyala gwabumi ukubalyesya abene i Lisyu ilyabwanaloli ilyābūmi ilya. . . ilya Kyala.

<sup>106</sup> Pala, mu fyōsa fila fyamulimuli ni fīndu, Yehosafati alinkuyoba, “Ngimba pakayapo yumoywēne ukwākōngelelāpo?”

<sup>107</sup> “Yumoywene ukongelelāpo?” alinkuti Ahabu. “Ena, ngimba ugwe kufūmbwagwa fiki na yumoywene ugwakōngelelāpo? Uswe tulinabo bamia bana ukufuma ku banunu–ukukīnda, basaligwa, bamanyili, balyēsīgwa kanunu, bafwīkigwa abanyāmbāla aba balimo nkīsu, bīmīle apa. Aligwesa gwa bene nu bwitikisanio bumo, kangi i ndumbula yimoyene, kangi i lisyu limolyene, ikuyoba, ‘Bukaga! Kyala ali na ugwe.’”

<sup>108</sup> Une nguswiga linga u United States akafwanapo ni kindu kilakila. Une nguswiga linga i Kipanga kya Kyala kikafwanikisigwa ikindu kilakila. Une nguswiga. “Ena,” tutigi, “kēta, abene bali nu buponjoli. Abene bikuya ni ngomano ingulumba, inywamu. Abene bikupīmba maelifu pa kabalilo.” Loli une nguswiga linga akayapo itolo yumoywēne gwākōngelelāpo. Une nguswiga linga kikayapo ikindukimo ikikindane.

109 Uswe tukusyâgânia, uswe tuli na bapinduki maelifu malongo matatu mu milungu ntândatu, kangi imilungu ntândatu ukufuma pala uswe tukaya nagwe nayumo. Kilipo ikindukimo kitamisye pa buyobumo. Uko ko kotalusya. Kangi ikylene kyo kyosa mulimuli, ukubikapo. I kisu, ukwîsila mu televizioni, ukwîsila mu rediyo, ukwîsila mu fibonesyelo fya mafilimu, kangi fila ifisosyapanja fila, kibosîsye ikikolo iki nu bubole bwa Hollywood. Uko ko kotalusya. Kilikyosa kikulonda ukuya mu mulimuli unywamu. Ngimba ikyo kikaya bwanaloli? Umwe mumenye ikyo kyo bwanaloli. Uswe tukaya nakyo kangi mma ikya bwîpûti bwa kayîlo-kaiyolo ubu uswe twâlisibile ukuya nabo ifyînja ifi fikîndile. Ikyène kyo panongwa yakuti ubwène busulumanisigwe. Uswe twîsa kufika ku kyène, itolo mu kabalilo, umwe mwisa kukêta.

110 Fiki, kyo kibonesyo ikimogi nki, pamo i kibonesyo kyâkunyenemusya, une mbagile ukuyoba. Kangi apa alinkwisa uyu Yehosafati, alinkuti, “Ena, une ngubaketa abene bosa. Abene bo, aligwesa, bali na madigri gabo,” kangi kilikyosa ikylene kyalî. “Abène bo bôsa bikuyaga basololi, pamo babômbi abakulumba. Abène bafumile ku makoleji amakulumba. Kangi abène bo kyôsa iki. Abène bafumile ku sukulu inywâmu ya nsololi, na filifyôsa. Abène bo bôsa nu bwitikisano bumobwène. Ikyo kyo kyabwanaloli. Loli akayapo pala itolo yumoywene ugwakôngelelâpo?”

111 “Mulimôsa, ngimba ugwe kwîsa kufûmbwa fiki na yumoywène ugwakôngelelâpo, akabalilo kâko bamia bana bikupa ulwîtikisyo pakabalilo kamokêne?”

112 Lôli u mûndu yula, kubutali pâsi mu ndûmbûla yâke, âli na Kyala. Kangi umwène âménye ukuti kyâlipo ikindukimo kisôbi ikya ikyo. Ena, nkulumba. Umwene âménye kyâlipo ikindukimo ikibolano. Nongwa ya fiki? Unko une mbapepo umwe. . . I Lisimbo litikugomokelamo mu lyene, loli apa po iki une ngwêga. Une mmenye ukuti—ukuti Yehosafati âménye ukuti yula unyôbi pâsi kula, Ahabu, ukuti umwène akâli nnunu na Kyala. Kangi Eliya asolwile i Lisyu lya Kyala ku mwene. Kangi Kyala abagile bulebutule ukusaya iki Umwene âgunîle? Amenî.

113 Une nguyoba ikindu kilakila umwisyugu, mwinangu. Kangi i Kipanga kya Kyala gwâbûmi, uyu imile gwabwanaloli kwa Kyala, isakuyoba ikindu kilakila. Ugwe ukabagila ukufulugania amafuta na mîsi palikimo nukukôléla ikyène bupoki. Ugwe ukabagîla. Kufimbilisigwa ukwipagulania gwimwene, nkundwe. Ikindukimo kikufimbilisigwa ukuboneka. Linga lulipo ulusûbilo lulilôsa lusyêle, uswe tukufimbilisigwa ukubômba ikindukimo, kangi ukubômba ikyène mbibimbibi; kabuno, isala ya Kunyakilîgwa yili kifuki ku kiboko.

114 Ifîndu fikwîlûndîka mmwanya, filifyôsa, kangi i kipânga kili kubutali fiyo. Abène bikubala u luko lôsa lwa bakalatasi, aba

būku, tupāngo, na filifyōsa. Une mbagile ukubūka umwīsyūgu ku. . . Une mbagile ukubūka ku kipānga, kangī une mbagile ukuyoba, “O, balinga bamenye. . .” Abēne bamenye u lwīmbo lulilōsa, ukufuma pa lumo mwa sasanio inywāmu isi. “Lilino, lyāni nki—nki u lwīmbo lwakuti-lwakuti lulipo?” Abēne bamēnye ulwēne. Abēne bikumanya yoywāni umwēne ali. Abēne bikumanya uyu ikubōpela kuli Prezidenti, kangī ywani ikubopela ku *iki*, kangī syo ndondwa sya mafilimu silinga syālyēgile, *uyu* kangī *yula*, u *yūngi*. Loli, i Lisyu lya Kyala, abene batikumanyapo nakimo. Mwaketa lelo umwe. Polelo uswe tukupa amasukilo- . . . Kangi, loli, abene bikwikolela ukuya Bakristi.

<sup>115</sup> Kangi abāndu bakaya pa bulēyelo mma. Ikyēne kifumile kunyuma ku kigemo, kūko ikyēne kifumileko. Katikati. Ikyene kyo ukufuma kunyuma ku kigemo. Abēne bikumanyisya abēne lōsa u luko lwa mabiti, kangī lōsa u luko lwa *iki* na *ikyō*, ni fipāngānio, na katēndekelo ka fibugutila fya batubwa, na filifyōsa bo ifyo. Une nguswiga linga ikyene kihombile. Nakimo ukulwana ni kyene, loli une nguswiga linga ikyo kyo kyakulondigwa kya Kyala.

<sup>116</sup> Akabalilo kako, Yeso aayobile, “Pene papo umundu apapigewege mwa misi na Mbepo, umwene mu njila nayimo isakwingila mu Kitangalala. Umwēne uyu isakupik- . . . isakungōngaga Une, unko umwēne ipike mwēne, kangī ifyāke mwēne ifyakusangulusya ifya kisu, apimbēge ikipingika kyake, nukungōnga Une.” *Kipingika* kyo kimanyilo kya “bufwe, ububabe.” “Umwēne yūyo isakuya Nkristi, unko umwēne ifūle mwēne isya mīnogōno gāke mwēne. Unko umwēne ifūle mwēne isya mbōmbo syāke mwēne. Unko umwēne ifūle mwēne ikyā kilikyōsa, ukwipika mwēne, nu kupimba i kipingika ikikemesigwe kila, nu kungōnga Une bwila. Umwene uyu ikwisaga panyuma pa Une, ndeke umwene abombe ikyo.” Ikyo kyo iki Yeso āyobile.

<sup>117</sup> Loli, umwisyugu, uswe tukuyoba, “Aligwesa yaga na kabalilo akanywamu. Aligwesa kuba amaboko gabo. Aligwesa ywega, ‘Aleluya!’ Aligwesa bomba *iki*.” O, mūmo uswe tuli ni kipambo kya lwilūmbūsyo! Amenī. Kyala. . . Uswe tukwēga inyimbo imbya isi panja nu kwimba isyene nu bwēngo fiyo, mpaka ikyēne kikuboneka ngati uswe tukuyaga pakubopa ukukinda ikibūmba ni syēne, pamo ikindukimo bo ikyo.

<sup>118</sup> Akabalilo kako, une ngwinogona, linga uswe twimbaga *Pabupipipo*, *Kyala Gwangu*, *Kwa Ugwe*, kyābagile ukuya kilūndiko kyōsa kinunupo kuli i Kipānga; inyīmbo isya kayilo-kaiyolo.

<sup>119</sup> Ukwēga ikilūndiko kya bāndu bafimogo fyapānja, undumiana yumo mu fimogo fya pānja ukukilania apa ikukuba, ikilo kyāmmayolo, kangī ikilo iki kubwa kuno ikukuba nkipanga

kya Kyala gwabumi? Ikyene kyo mwiko mmaso ga Kyala. Unko u mündu yula ayege nsisimikisigwe, tãsi, kangu unko umwene atwãle pãnja ikipasó, kyãkufwãna nu lupĩndũko, ukunãngisya ukuti umwene yo ntalusye na Kyala.

<sup>120</sup> Abene bikutwãla i kĩsu kya jãzi mulamula ukwĩsila mu kigemo. Abene bikutwãla u Hollywood, u bulũmbilili bwamulimuli, mulamula mu kigemo.

<sup>121</sup> Nongwa ya fiki, une ngalituugesye nkaya kĩnu akanunu, imilungu minandi igi gikĩndile, mu Louisville, Kentucky? Indumbula yangu yikubongotoka, akabalilo kako abene bosa bitugesye pala, bĩganile ukuketa ifiswigisyo fya Kyala; kangu akabalilo kako ugwe kulumbililaga Inongwainunu, abene bikwikuta lōsa, mu sekondi, nukusanusya inyuma syãbo nukusōkãpo pa kiyumba. Naloliloli. Abene batikulonda Ikyene. Indumbula syabo syũmĩle. Ukusōka panja; kangu bĩngi ba abene, baProtetanti, bōpe, aba bikubuka ku fipanga fya Protetanti. Lōli abene bãfumile pa nyĩkuto. . . bikwĩte fiyo bĩsusigwe na mulimuli na filifyōsa bo fila, ifya bubole bwa butoyofu nu bwakipangakipanga, mpaka abene bamenye nakimo ukufwana na Mbepo gwa Kyala gwabumi. “Ukuya nu luko lwa bunyakyala, loli ukukana a Maka aga galimo.”

Lyo lisiku liki ili uswe tulimo nu bumi. Ketesya apa ikylene kikwilũdikila mmwanya.

<sup>122</sup> Yehosafati alinkuti, “Une mmenye, Ahabu. Balipo abalumbilili ba mia bana bãko. Abene bo bōsa bĩnĩtu baboneka-kanunu, aligwesa gwa bene afwikigwe ni nywĩli syãbo sisãnjuligwe nubwifyusi, na filifyōsa, kilikyosa ikĩngi abene babagile ukuya. Abene babagile ukuya na ba D.D. bãbo. Abene babagile ukuya na lōsa u luko lwa madigri. Abene babagile ukumanya a Masĩmbo, ukufuma ku A mpaka Z. Lōli ngimba ukaya nagwe ugwe yumoywene ugwakōngelelãpo, pabuyobumo? Ngimba pakayapo itolo yumoywene uyũngi, pabuyobumo?”

<sup>123</sup> Umwene alinkuti, “Ena, kilipo kimokyene ikingipo, loli une numbengile umwene.” Mwaketa lelo umwe. Apo umwe muli. “Une numbengile umwene.” Kumbukilãga, Ahabu ãli nnyãmbãla gwabwĩpũti, kangu aba bãli bamanyisi bĩputipũti, lōli abene bãbengile unnyãmbãla uyu yũyo ãli nu Bwãnalōli. Alinkuti, “Une numbengile umwene.” Alinkuti, “Umwene akabalilo kosa ikuywēgela panja ikindukimo ukulwana na une.” Ngimba umwene abagile bulebule ukwikyũnga ukubomba ikylene, akabalilo kako i Lisyu lya Kyala lyantobesyaga umwene?

<sup>124</sup> Ngimba ugwe ubagile bulebule ukwima kimyemye linga ugwe gwe nnyambala gwa Kyala, pamo nkikulu gwa Kyala, nu kumanya nu kuketa ni findu, filũdikigwe kangu figeligw'ubusito, na filifyōsa bo ifyo; nu kukeeta imyoyo gwa

būndu gikubūka ku gehena; mamiliyoni ilisiku; nukwīma kimyemye? Ugwe ukabagila ukubōmba ikyēne.

Umunduyumo āyobīle kwa une ilisiku limo, alinkuti, “Ugwe kwinogona ugwe ubagile ukwīmika ikyene?”

<sup>125</sup> Une ndinkuti, “Umma. Une ngabagila ukukyimika ikyene, nongwa yakuti Kyala āyobile. Lōli ilisiku limo, ku Kigemo kya Bulōngi, abēne bīsa kukwābila pānja ikyākukētel’amafilimu ikinywāmu, ukwāsya i kamera kula, kangī ukusimba kwa tepi kula kwisa kukinīgwāga. Kangī une nguyaga pakwīma nukupilikisya ikyene; une ngulonda ukupilika amasyu gangu gikusoka ukulwana ni kyene. Kyala isakulongaga une akabalilo kako ilisyu lyangu likwisa ukulwana ni kyene.” Ena, nkulumba. Akabalilo kako uswe tukukēta u bumi ubu, ingulilo iyi, yikinīgwe-kangī kula ku bulongi. Naloliloli. Uswe tukwitūgāsya nkabalilo akabībi. Kangī pala ikyēne kilipo.

Kangī uswe tukumbona umwene ikubomba...umwene alinkuti, “Ngimba akayako yumo ugwakōngelelāpo?”

<sup>126</sup> Umwene alinkuti, “Ena, loli une numbengīle umwene, kabuno umwene akabalilo kosa ikusolola ububībi ukulwana na une.”

<sup>127</sup> Ikwikyūngāga bulebule umwēne ukufuma kukulūmbilila ifīndu ifikafu fila, akabalilo kāko umwēne ikukibona ikyēne kikukīndilila? Ukumbona Ahabu ikwitūgāla bomūmo umwēne āli kangī ikubōmba bo umwēne āli, nukutwāla abāndu bo abēne bali.

<sup>128</sup> Ngimba abagīle bulebule u nnyāmbāla gwa Kyala, pamo u nkīkūlu gwa Kyala, ukwīkyūnga ukufuma kukuywega nukukemela ubutulwanongwa ukufuma ku lubafu lulilosa? Akabalilo kāko, abēne bikubabona aba abalūmbilili abalūngūle, na bamulimuli, kangī bamanyisi, na fyōsa bo ifyo bo ulo, panja ukwitikisya abandu bikubuka ku gehena, ukwisila maelifu-elifu, pāsī pa busyobi; bingi ba . . . mope mu bandu abikemo. Une ndikuyoba fingi fiyo isya Methodisti na Baptisti, ni findu bo ifyo; abene bali nakyo ikyēne, bōpe. Lōli ikyēne kili mulamula ukusuluka mu mabuyo gīnu.

<sup>129</sup> Mwe, ukwisa ku kigemo, bo kilikyosa ikingi loli Bakristi, ukwitugasya bo kilikyosa ikingi, ukukilania ifīsu ni findu, polelo abēne bikukikōlēla ikyēne “bwīpūti.” Ubwene bo bwiputi, loli ikyene kyo kubutali fiyo ukufuma ku bupoki bwa Ntwa. Uko ko kutalusya. Abēne itolo bali na bāndu ku itolo i kipāmbō kya bakinisīgwe lōsa. Polelo mbimbibi bo akanini akakinisīgwe kakumalika, polelo, ikīndu kyākwānda umwe mumenye, ugwe ukabagila ukummwaga na yumo gwa bēne; i kipānga kikwītūgāsya kisitabāndu. Nkundwe, linga u nnyāmbāla anganīle Kyala, umwēne isakwīsusya ikikota kyāke mu kipanga, akabalilo kōsa. Umwēne akabagila ukwitugasya kubutali ni kyēne. Uko ko kutalusya.

<sup>130</sup> Lilino kêtèsya, itolo a maminiti manāndi. Une nisa kugela ukubopela, ukufika kulakula ku fūndo lilino, 'nongwa yakuti akabalilo kāndu kikumalika.

Kêtèsya, polelo umwene alinkuti, “Ngimba akayapo lōli nayumo ntiga kangi?”

<sup>131</sup> Umwene alinkuti, “Ena, loli une numbengile umwene. Umwene akabalilo kosa ikusolola ukulwana na une. Umwene ikuyoba ifindu ifibibi ukulwana na une.”

“Umma ndaga,” alinkuti, “buka ukammwege umwene.”

Umwēne alinkuti, “Ingamu yāke yo Mikaya.”

<sup>132</sup> Lōli u nnyāmbāla uyu āli nu bwīputipūti ubwakufwana ukumanya ukuti abinitu aba bakāli batalusye.

<sup>133</sup> Kangi unnyambala aligwesa uyu apalamasigwemo siku, pabunini fiyo, na Mbepo gwa Kyala, amenye ukuti ifindu ifi, ifi fikukōleligwa Kikristi umwisyugu, kikaya kitalusye. “Ugwe ukabagila ukugana ikisu, pamo ifindu ifya nkisu. Linga ugwe kubomba, u lugano lwa Kyala lukaya mwa ugwe.” Ili Bangeli liyobile lululo.

Lilino kēta. Umwene alinkuti, “Buka ukammwege umwene.” Kangi abene balinkubuka ukukilania.

<sup>134</sup> Kangi polelo umwene alinkutuma untumigwa unnini ugwaiyolo, undindilakipanga, lumo, pamo umunduyumo, alinkubūka ukukilania kula nu kuyoba, “Lilino kēta, Mikaya, uswe twisa kukutwāla ugwe ukukilania kuno pankyēni pa Ahabu na Yehosafati. Lilino, abene bosa-babili bītugesye panja pala, kangi abene bo banyambala abakulumba lilino. Abene bamanysi kangi abene bo bamanyi. Kangi abēne balinaga amadigri gābo, na fyōsa bo ifyo. Kangi ali gwēsa gwa mu seminale yītu, ali gwēsa gwa mfipānga fyītu kuno, yo gwa bupelelesye mu kwitikisania ukuti ubu bo bwīgāne bwa Ntwa. Lilino, ugwe yoba ikindu kilakila iki abene bikuyoba, kangi, une ngukubulaga ugwe, ugwe kufwala kanunupo nukutoga mu līgāli lya Cadillac. Une ngukubula ugwe, ugwe kuyaga itolo mwinitu nkulumba linga ugwe kubombaga ikyo. Ena, nkulumba. Ugwe kwisa kukaba.”

<sup>135</sup> Mikaya alinkuti, “Bomūmo Ntwa Kyala mūmi, une nguyoba itolo iki Kyala ikuyoba.” Ameni. Ena. O, alipo unnyambala ukufuma pa ndumbula yangu. “Une mbagile ukulya unkati na misi,” ifi umwene abombile, “panongwa ya kubomba ikylene.” Umwēne abagile ukung’apigwa pa lisaya limolyēne ni līngi, kilikyōsa ikīngi, lōli umwēne āyobile u Bwānalōli nu kwīma ni kyēne. Kyala asisimikisye ikyēne ukuya Bwānalōli. Umwēne akāli mfumuke fiyo, lōli umwēne ālimēnye Kyala.

<sup>136</sup> Alinkutwāla u Mikaya gwaiyolo ukukilania pala. Umwēne alinkuti, “Umma ndaga, Mikaya, ngimba ugwe kuyoba fiki isya ikyēne?”

137 Umwene alinkuti, “Bukaga pa mwanya. Bukaga pa mwanya.” Alinkuti, “Buka mmwanya, ndutengáno. Buka kīndililāga, kabaga, fyo ifi une ngulonda ugwe ukubomba. Loli une numbwene Israeli ngati ng’osi, kisita ntimi, pa kām̄ba, abalanīle. Ikyo kyo ikyene,” umwene alinkuti.

138 Kangi akabalilo kako umwene abombege bo ulo; kangi Ahabu alinkusyumbutuka ku kyeni kya Yehosafati, alinkuti, “Ngimba une nākubūlile ugwe fiki? Yula umbungulukamwikemo. . .” pamo, fiki, nhobokela une, pamo, kilikyosa ikyene kyāli; u miana yula āyobile, “Kila. . .Ngimba une nākubūlile ugwe fiki? U mwīnitu yula ābagile pēne kugusolola ububībi—ububībi ukulwāna na une. Ngimba une nguyobaga fiki? ‘Umwene itolo isakukemela ikipanga kyitu, nu kutobesya abalumbilili bitu, nukukemela injila yitu iya bwiputi.’ Ngimba une mbagile ukukubula ugwe fiki? Umwēne abagile ukuyoba ikyene. Une nummenye umwene. Une nummenye ugwise pankyēni pa mwene.” Ameni. “Une nālimmenye u tāta gwāke pankyēni pa mwēne.” Uu-huu, ena, nkulumba, u nnyāmbāla ugwanaloli gwa Kyala. Alinkuti, “Une nāmenye umwene abagile ukuyoba ikyo.”

139 Kangi polelo palapala umwene alinkuti, “Ena,” alinkuti, “Une numbwene Israeli ngati ng’osi, abalanīle, kisita ntimi, pa kām̄ba.” Kangi polelo palapala umwene alinkuti, “Une ne- . . .”

140 Kangi polelo yumo mwa binitu bala aba bāli ni mbembe inywamu, ayaga pakutatikanapo, u ndūmbilili, alinkwēnda ukukilania nu kukwāba unnini Mikaya ukusyūngutila, nu kung’apa umwēne nkanwa nu bukafu bo mūmo umwēne ābagile, alinkuti, “Yo njilanki iyi u Mbepo gwa Kyala abūkege akabalilo kako Umwene āsokile ukufuma kwa une? Linga ugwe umenye.”

141 Alinkuti, umwene alinkuti, “Guulila mpaka ugwe gwitugesye mminyololo kubwa kuno, kangi ugwe kwisakumanya yo njila nki Ikyene kyābūkīle.” Uko ko kutalusya.

142 Gūlila mpaka Russia itugesye panja apa, ikwega ukupoka i fikolo ni findu bo ifyo, kangi ikisu iki, panongwa ya kugomokela-nyuma kwake, kangi ugwe kwisakukēta iki kyāli kitalusye kangi kisobi. Uko ko kutalusya. Ugwe kwisakukēta kali ubwīpūti bwāko ubulungule bwisakuhōmba, pamo mma.

143 Unko i kisu iki kīse ku māsōsi, komma ukwīsa ku luseko pamo ulukino. Unko ikisu iki kīse ku fifundo fyake, mu lupinduko. Ikyo kyo iki uswe tukufūmbwa. Komma uluyigo ukwēga kyōsa ikilūdiko kya bandu nkipanga. Uswe tukufūmbwa ukwīgala ikilabu kyakinwēlwa kilikyōsa, ukwīmika kōsa ukukwēsa kwa ngām̄bo, swānyulania pāsī i fakitale. Ukwāndako ulwānalolilōli, ulwakabōmbēlo-kaiyolo, ulusasano lwa Mbepo Mwīkēmo; kūko abanyāmbāla na bakīkūlu, pamusi na pakilo, balāmbalele pa kisyo kyābo, bikūta. Une ngukubulaga ugwe, ikyene kikuyaga kiponesyo

ikikulumba-ukukinda iki ikisu iki kiyilimo nakyo siku. Ikyo kyo kyabwanaloli.

<sup>144</sup> Unko i Branham Tabernacle yileke ubutoyofu bwake. Unko icyene kigomokele kuno ku kigemo nu kuya ntalusye na Kyala. Tendeka losa na bapalamani, na fyosa bo ifyo, nu kuya kanunu na Kyala. Ugwe utisakuya nasyo isyakumana nu kukindilila; icyene kusakuyaga buyo bwakukwaba ubwa kisu. Uko ko kutalusya. Lilino, ubo bo bwanaloli.

<sup>145</sup> Polelo umwene alinkuti, “Yo njilanki iyi u Mbepo gwa Kyala asokege ukufuma kwa une?”

<sup>146</sup> Kangi Mikaya alinkuti, “Une nalimbwene Kyala, kangi ikilundilo Kyake, ikibugutila Kyake, kitugesyeye mu Lwimiko.”

<sup>147</sup> Umwe mumenye, Kyala ali ni kibugutila pamwanya Pala, kamokene nkabalilo. Umwene—Umwene ikubungania Abake—Abake Imindu Gyabundumi kangi ikukolela u—u lukomano, kamokene nkabalilo, mmwanya ku Mwanya.

<sup>148</sup> Kangi umwene alinkuti, “Une numbwene Umwene itugesye pa Kikota, kangi bosa a bandu balimile pa kiboko ikililo ni kimama kya Umwene.” Kangi alinkuti, “Abene bayobesaniaga, ‘Ywani abagile ukubuka ukusuluka pasi nu kusyoba Ahabu, ukuntwala umwene panja apa nu kufwanikisya u busololi bwa Eliya? Kyala atalile ayobile lulo, iki kyayaga pakuboneka, popapo uswe twisa itolo ukuketa ywani abagile ukubuka pasi.’”

<sup>149</sup> “Kangi umbepo unyobi gukufyuka ukufuma pasi,” ena, ukufuma ku gehena, “gulinkwisa pamwanya panyeni pa Kyala nukuti, ‘Une ngwisakusuluka pasi, kangi une ngwisa kwingilaga mu balumbilili bala nukubapela abene bosa ukusolola u butungulu.’” O, ngimba kila kikabapufwile abene losa. Ngimba kila kikabapelile abene ukwipilika mbuhesya, akabalilo kako, “Abene balinkuti, ‘Une ngubukaga kula nukutendeka abalumbilili bala, aligwesa gwa bene, ukusolola ubusyobi.’” Kangi umwene alinkufika pasi nu kwingila mu balumbilili bala, kangi abene bikwanda ukusolola u busyobi.

<sup>150</sup> Kangi, nkundwe, u Kyala yulayula ikulagila pa Kikota kilakila umwisyugu. Kangi u mbepo yulayula unyobi yula abombile ikindu kilakila umwisyugu, ukusolola a mabutungulu.

<sup>151</sup> Abene balinkumilisa ukuyoba, “Lutengano, lutengano, lutengano,” ukufuma pa Bwite Bwakisukyosa Bwakwanda.

<sup>152</sup> Unko une mbanangisye umwe kuko icyene kikufumila. Mu Bwite Bwakisukyosa Bwakwanda, akabalilo kako France, ukukilania kula, basanwike ukusokako kwa Kyala, mu fyabo Ifikyele Malongo-lwile-na-limo, nu kwanda . . .

<sup>153</sup> Lilino une nguya pakwega panandipo pa nyiho, popapa umwe mwesa mukwitugasya kimyemye naloliloli ku maminiti manandi.

154 Kēta, nkyēni kunyuma kula, mu bwāndilo, ukukilania mu France, kula ko kūko ububwāpufu ni fyakinyanyasi ikyākwaṅda fyālyāṅdile. Linga kilipo ikibwīna kya mbeba nkisu, ikyēne yo Paris, France. Kangi une ngindile kifuki kingi-ukukīnda kya akēne, kangi ubo bo buyo ubunyali ukukinda bosa ubu une ngetilemo siku. Kangi London, England akaya fiyo kyakupāgulako mma. Kangi u United States ikwisa mulamula mu lukindi ni kyene. Uko ko kutalusya. Pala abene balipo.

155 Akabalilo kalikōsa aka ugwe kukonyola i nyīho sya bukīkūlu, ugwe kukonyola ikifupa-kya-nyuma ya kikolo.

156 Apa ugwe kubūka ukukilania, mu fīsu fyābo bēne, nu kuyoba ugwe gwe gwamisyoni, abēne batikulōnda. . . Bikuyoba, “Ngimba ugwe kuyaga pakutubūla uswe fiki, akīm̄bilo ka nyīm̄bo imbwāpufu ukufwāna na bakasi bītu, pamo ukufwāna na balīndwāna bītu? Ugwe kwīsa kutubūla uswe akasōkesyo ka bakasi bītu? Ukutumanyisya uswe akanwēlo u kachasyu nu kubūka injila iyi uswe tukubōmba?” Ikyo kyo iki uswe tuli.

157 Uswe tukwikolela twibene ikikolo kyabwiputi, ikisu kya Kikristi. Ena, bala “biputafifwani” mu Africa babagile ukumanyisya uswe inyiho, akītūgasyilo. Ubuyo ububolano ukukinda, mu United States, pamo, ikīsu, kifuki, kyo kikolo iki, mūmo ikyēne kiyīlile. Une ne m’Amerika, naloliloli. Loli, nkundwe, une ngabagila ukukitula, akabalilo kako ukufuma pa Ahab pamo Yehosafati. . .Kangi une ngufimbilisigwa ukuyoba iki Kyala ikuyoba kyo Bwanaloli. Ikyo kyo iki ikipanga kikulondigwa ukwimila, umwisyugu. Linga ikyene kikwisa pakati pa kisu na Kyala, ikyene yo Kyala, bwila. Ena, nkulumba.

158 Kētēsya, mu France, abēne bālyāṅdile bōsa ububole bwābo, nu kubūka mu njila abēne bālitūgēle ukukilania kula. Kangi polelo Kyala alinkutuma Germany ku bene, ukubatika abene panandi itolo. Polelo uswe tulinkubuka ukukilania kula ukuponesya ikipapa kyabo. Kangi mbimbibi itolo bo uswe tukōmbile ikyo, nukupōnjōla ubwīte, nukutuma aba kiJeremani ukugomokela, bāli nu lutēngāno na France, ngimba abēne bāsyumbutukile kwa Kyala? Umma, nkulumba. Abakīkūlu, ubwālwa, ubwamwalwe-mwāle, ubutulwanongwa ni finyanyasi mpaka ku kanwa.

159 Polelo ngimba abene bābōmbile fiki? Ngimba fiki fyabonike? Apa po apa umwene ālyāṅdile. U mōhesi alinkwitugasya pa likulumba lyake pala. Apo po pāpo umwēne ikwānda, palapala pala, ukutag’ulwīho i kisu, ukufuma ku Paris, France.

160 Polelo, linga umwe mukukētēsya, umwēne akābagile ukwīsa muno ukwisila mu butumigwe, polelo ikindu iki umwene ābōmbile ālisīle mu Hollywood panja pala. Umwēne ālinkupāngānia ugwāke Holl-. . .Umwēne alinkupāngānia i likulumba lyāke ukukilania kuno mu Hollywood. U mōhesi āsulukile ku nyuma apa, ifyinja finandi ifi fikindilepo, ifyinja

kalongo na fihano pamo malongo mabili ifi fikindilepo, na bābwite abakulumba, kangi alinkubūka, ukutika mu Hollywood, California. Kangi umwēne īngilile u United States na maka gamisyētano gāke. Kutalusya. Fyōsa ifyītu fyakafwālilo fifumile ku Paris. Abēne bikwēga ikylene mu Hollywood, ukubuka ku fiketelo. Abalindwana abanini aba na balumiana banini, ni findu, bikusōka panja apa, abene bikukételela i ngino pa fyakuketelela.

<sup>161</sup> Abanike abanunu abanini, utununu utunini utwīnitu, nakimo ukulwana nu twēne. Kyala asaye utundūmbula twābo utunini. Indūmbula yāngu yikusōk'ilopa kuli abēne.

<sup>162</sup> Kangi papapa apa nkaya, une nayobaga ku gwāngu... yumo mwa... ndumiana gwāngu, ilisiku limo. Umwene alinkuti, "Tata, linga balipo itolo abalumiana bamo ukusyungutila kula, nkaya, aba bāli na Mbepo Mwikemo," na fyosa bo ifyo. Ugwe kuswīga nongwa ya fiki une nāsōkāga ngapo ku Denver, Colorado, pamo kubuyobumo bo ubo? Ukubatwala abana bangu ku buyobumo kuko kilipo ikibugutila kya bandu aba bikukūta kwa Kyala; iki uswe tukufūmbwa, nkundwe.

<sup>163</sup> I kīsu iki, ikikolo iki, akāya aka, ubuyo ubu, bwīsile ukuya fīyo busitalwīho mpaka ikyēne kyo kipelakisa. Linga une mbagile itolo ukuyobapo lululu lilino iki une naloliloli mmenye ukuya bwanaloli papapa apa, ikyēne āngali kitikuya kyakutwāligwa pankyeni pa kilūndilo ikifuluganikane. Pamo, munomuno muno mu kāya kēne apa; komma itolo kuno, lōli amabuyo agāngi, kulikōsa, ikyēne kikwānda ukwīsa i nubupepe...

<sup>164</sup> Panongwa ya fiki? A bāndu... Kēta, bīnāngu, ikyēne kiyīle fīyo kikomu. Ikyēne kīsile nkati nukubēndekēla fīyo, mpaka ikyēne itolo kikukukupilila ugwe pāsī. U mōhēsī ālisibile ukuya mu fwālilo. Umwēne ākābagile ukuti ābūkile panja pa kafwālilo, lōli umwēne akāsōkilēmō pānja pa bukyūlusi, une ngubabūla umwe ikyo. Umwēne akāli ali mu bukyūlusi.

<sup>165</sup> Kēta, umwisyugu. Uswe tukwega, bo une njobile pitasipo, ukufwana nu nkikulu unnini, undindwana unnini ugwaiyolo ali ni liluba. Ukugelekesya itolo, i liluba, ikyēne lyo limogi; ikyēne lili pala ukukētigwa, ikyo kyo kyābwānalōli. Kangi ikyo kyo itolo ngati i kipānga, ikyēne kili pala ukukētigwa. Ngati u mmogi unkikulu unnini, umwēne ali pala ukukētigwa. Uko ko kutalusya. Loli linga umwene... Umwene ali kanunu, ikyo kyo, umwene yo lūlo ku ndume gwake, umwene—umwene ali kanunu mosa. Lōli linga umwēne akaya nalo ulūbo lwa lwīho lwīmikīgwe pānja pala ukuponesya umwēne, umwēne ikwīsa ukuya kyākumeleligwa ku bāndu nu būndu; ukuya gwāpāsī fīyo kangī gwamwālwe kangī mbolano mpaka imbwa sikabagila ukunkēta umwēne. Uko ko kutalusya.

166 Kangi ikindu kilakila ku Kipanga kya Kyala gwabumi. Abene bikusōka panja apa nukugela ukuya mulimuli nukwitendekesya bene, nu kubombela bo... Abene bikufula abakikulu babo apa, papapa... kangi abandu batikusyagania ukuti imisyétano igi gikwīngilila utwāya twīnu.

167 Papapa mbupalamani bwāngu ilisiku limo, u nkīkūlu unkeke, uyu une ngwinogona yo nkīkūlu unnunu, kangi umwene yo nkikulu mwegi, ali nu mwāna, kangi u nkikulu unnini yula alinkusōka panja pala, nnyāmbála isile pāsi pa nsebwe ukubōmba imbombo yimo, kangi u nkīkūlu unnini uyu alinkusōka pānja ni myēnda iminini imināndi igyaiyolo afwēle, kyāli kinyanyasi.

168 Ubu bo buyobi bwa Lisiku lya Mama ubupelabusisya, loli, nkudwe gwangu, unko une ngubule ugwe ikindukimo: Māma, gomokela ukuya māma kangi!

169 Kope ku ndumiana unnini uyu ayātilége mbupalamani bwītu, isaga muno nukutubūla uswe isya ikyēne, “Kēta panja pala.”

Une ndinkuti, “Ena, ikyo kyo nakimo.”

170 Lōli unkīkūlu yo nkīkūlu unnunu. Une ndikuyoba mma umwēne yo nsitalwīho. Loli, ikindu kya ikylene kyo, yilipo i mbepo iyakinyanyasi pa mwene, ukumpela umwene ukubomba kila, kangi umwene atikumanya ikylene.

171 Fyo fiki nkīsu abāgàli u māma ukulōnda, pamo aligwēsa, ukufwāla tula utunini utwaiyolo utubwāpufu utwēnda, kangi ukwibālūla bēne panja pankyeni pa nyāmbāla? Ugwe gwe mmogi, kalumbu. Ugwe uli mmogi, māma. Une ngupalisya Kyala panongwa ya ugwe. Loli, ugwe uli mmogi, loli linga ugwe ukaya nagwe u Mbepo Mwikemo kula ukuponesya inyiho sila, ugwe āngàli uli kanunupo ukuya mbībi fiyo nayumo āngàli akukētīle ugwe, kangi gwābūkīle ku Mwānya. Uko ko kotalusya. Ikyo kyo kyabwanaloli. Kētésya iki ugwe kubomba; ifyākufwa fila.

172 Lilino, iki ikyēne kili, u mōhési isile nkati kangi umwēne ababūlīle abāndu ifindu ifi. Umwēne īngīle nkati mbalūmbilīli; umwēne ikwēgelēla ukukōnga Hollywood. Abalindwana na bala abanini bala, abene bikwēgelēla pa Hollywood. Ikinunu ukukinda-fyosa ikya findu ifi abene balinakyo nkisu umwisyugu, ikisita-lwīho ukukīnda ugwe ubagile ukupilika, ko kuyobapo; kōsa ubuyobe bwa rediyo.

173 Yumo unkāngāle unkīkūlu ngati Mama Kay Starr, nakimo ukulwāna nu mwēne; lōli ukumbona unkīkūlu unkāngāle, ifyīnja malongo mahano mbukusi, na fyōsa, ni myēnda gyāke lōsa gigutīgwe pamwanya pa mwēne, ngati umwēne ālyōnīgwe nkisaka. Une ndikuyoba ikyo ukuya sunga mma, panongwa yakuti une nguyoba ukulwana ni findu ifyo. Lōli u nkīkūlu ukubōmbēla bo lula, nu kwīma mmwanya nukuya kyakwēgelēla

ku bakikúlu abakeke ba kiMerika, icyène kyo kyākumelelìgwa ku kikolo kyitu. Ikyène yo mōhèsi.

<sup>174</sup> Abamiana bo yu Arthur Godfrey kangu bala bikubopa ukusyungutila apa, ukubomba ifindu ifi abene bikubomba, kangu abanyāmbāla abafumuke fiyo nkisu bo lula, kangu, fiki, icyène kyo kikosyasoni.

<sup>175</sup> Aleluya! Yoba ikyo panongwa yakuti une ngwipilika u Mbepo Mwikemo ali apa. Ukugwīliligw'ubwīte kulipo, itolo ukupyāgila ukufuma nyūmba ukubūka nyūmba, ukufuma buyo mpaka buyo, ukufuma kipānga mpaka kipānga, ukufuma mūndu mpaka mūndu.

<sup>176</sup> Bana, mu Ngamu ya Yeso Kristi, sumuka ni nyīmilo sya lwīho sya lusasano kangu u Ntwa Yeso Kristi, nukuyoba, “Une ngwegaga injila na bafuyuligwe banini ba Ntwa.” Ena, nkulumba. “Une nguyaga māma ugwanaloliloli.” “Une nguyaga bāba ugwanaloliloli.”

Akabalilo kako ikisu kyosa, kangu mōsa ukusyungutila, mōsa ukusyungutila u moyo gwangu gukumalika,

Polelo Umwene yo lusubilo lwangu losa nu lukasyo.

Kabuno pa Kristi, Ibwe ilikafu, une ngwima;  
Ifisu fyosa fyo misanga yakwibila,  
Ifisu fyosa . . .

<sup>177</sup> Ngimba kyo fiki kipelile ifindu fyōsa ifi? Ngimba kyo fiki kipelile abalūmbilili ukubōmbēla bo ulu? Ngimba kyo fiki kyāpelile abalūmbilili ukusolola ubutūngūlu ubu ku bāndu?

<sup>178</sup> Nongwa ya fiki icyene, ifyinja ifi fikindilepo, ukuti umwe mwe bandu ba kiMethodisti. . . Akabalilo kako John Smith ungangale āpimbigwāga ku kigemo kyake, ukulumbilila Inongwainunu, kangu umwene ālumbilile ubulumbilili ubupimbapo ubwa sala ina. Kangu umwene alinkuti, “Ulutamio lwa icyene lo lwakuti, ukuti indumbula yangu yikubongotoka.” Umwene alinkuti, “A balīndwāna ba kiMethodisti bikufwāla ni sāmbo mu nyōbe syābo.”

<sup>179</sup> Kangu, umwisyugu, abene bafwele ibundu kangu utwenda utunini utunyali utubwāpufu. Kangu abēne bisakuyaga nubupelelesye ngelebune, mu fyīnja ifīngi fihano, linga ikindukimo kikābōmbīgwa. Ngimba kyābonike fiki kwa umwe balūmbilile ba kiMethodisti, umwe baCampbell, umwe ba kiBaptisti? Ena, nkulumba. Umwene yo mōhèsi, asopile pāsi a maka gāke, kangu umwene ali nato utōhèsi twāke panja apa.

<sup>180</sup> Kangu ugwe utikukyāgania icyène, ugwe kukwēsa ingambo, umwe bakikúlu, nukubōmba injila iyi ugwe kubōmba panja kula, nu kunwa nu kukīndilila nkyēni pa njila ugwe kubōmbēla, ugwe utikusyāgāna ukuti ugwe kōnānga undendeko yāko, kangu

kōnānga ingulilo yōsa iyi yisakukōnga ugwe, linga kiliko ikīndu bo ikyo. Malongo-lwēle-na-fihano mwa mia lusako lwīngipo ukwēga kānsa, ukwīsila u kukwēsa i ngāmbō, kangi ugwe namatingo kubūka nkati mu fyēne. Kangi i fipānga ukwītikisya ikyēne.

<sup>181</sup> Mu kipanga ikikulumba ikya Baptisti, itolo apa, lululu ulu. . . Une ngutika abaBaptisti. Une ndinabo u bwābūke ku ikyo; abēne u luko lwa bwīgemesyēge pa lubafu ulu une nīsile ukufumako. Lōli akabalilo kākō abēne bāfimbilisigwāga ukupa ulwītikisyo pakati pa bubōmbēlo bwa sukulu ya Ndungu nu bubōmbēlo bwa bulūmbilili, ukuti u ntīmi yula na bōsa bābagile ukubūka pānja nu kuya nu kukwēsa kumokwēne, kangi ulukindi lwagolosigwe na banyambala na bakikulu ukukwesa i ngambo. U mōhēsi abombīle ikyo. Uko ko kotalusya.

<sup>182</sup> Polelo, apa nkaya kitu akanini, kamo mwa balūmbilili bītu abapamwanya fiyo, palapala pāsi apa mu New Albany, ku lubīngilo lwa bukinilo, ukuti yumo mwa balūmbilili abapamwanya-fīyo ba kāya ikulōngolēla u lubātiko lwa kimogokya-bōsa, ukutwāla abanyāmbāla na bakīkulu pa figemo.

<sup>183</sup> Ndikupāsya iki ikīsu kikuyoba, une ndikupāsya mūmo ugwe kugela ukupepēka ukusyūngutīla ikyēne; nkūndwe, akayapo nayumo unyāmbāla ugwālilopa-ilikesefu ikusegelela ku nkasi gwa nyāmbāla uyūngi, nu kwīpilika lulalula. Ugwe umēnye ikyo kyo kyānalōli.

<sup>184</sup> Abene bēgile abakikulu bitu, nukubafula abēne; panja pala mbubombela-mbombo, nu kwēndēsya amagali ga takisi, kangi ukufyūka nu kusuluka u lukīndi. Kūko, abēne bikulōndigwa ukuya ku kāya, kunyuma kwa kipēmbo, bikupīya, nu kutēndekesya ifyākulya.

<sup>185</sup> Ngimba ikyēne kyo fiki? Ikyēne yo mōhēsi. Ubugwīliligw'ubwīte bulipo. Une ndikuyoba nakimo isya *uyu* pamwene pamo *yula* pamwene. Une nguyoba ikyēne syo mbepo inyali isi sikwīngilila a bāndu, ukubēndēsya abēne mulamula mu kyēne. Ukugwīliligw'ubwīte kwa United States.

<sup>186</sup> Ukupōnjoligwa kwa kipānga. I kipānga kipōnjoligwe nu mōhēsi. Kunyuma kula. . .

<sup>187</sup> Abēne bikumwēga u ndumiana pamwanya lilino, akabalilo kākō umwēne ikwīsa ku seminale, ikindu kyākwānda umwēne ikufimbilisigwa ukumanyila u kwēga amadigri gāke. Umwene ikufimbilisigwa ukwega aba kibalaminogono. Umwene ikufimbilisigwa ukwega ubufundakyala. Umwene ikufimbilisigwa ukumanyisya, ukwega uluko losa lwa findu ifimanyisigwa mu mwene. Linga umwēne akaya nabo ubumanyili ubununu fiyo, linga umwēne akaya nkomu kangi akamulika mūmo umwēne abagile ukuya, polelo abēne bisakumpīka umwēne; umwēne akabagila ukubagisiligwa. Ngimba umwēne ikubōmbāga fiki? Ukubūka pānja apa nu

kutwāla akayobi akanini akandyāli, mūmo ikyēne kyāli, akayobelo kandyāli ka kipānga, ku kibugutila kya bandu, ikipambo kya banyambala aba bikufwa na bakikulu.

<sup>188</sup> O Kyala, tutumila uswe bamo abakayīlo-kaiyolo, abanyāmbāla abammatēngēle aba batikumanya A ukukīndana na B, uyu amenye a maka ga busyuke bwa Ntwa Yeso Kristi, uyu isakulumbililaga ubupinduko, nukubatuma abanyambala na bakikulu ku kigemo, ukungana u Ntwa Yeso. [Ubuyo busitakandu pa tepi—Nsimbi]

<sup>189</sup> Ikyēne kyo kimeleligwa. Umwēne ingilile amaseminali. Umwēne agwīlil’ubwīte i fipānga. Umwēne afūlile abakikūlu bītu. Umwēne ali nabo abanyāmbāla bītu ku buyo ubu ugwe ukabagīla ukubabūla abēne nakimo. Kangi abanyāmbāla na bakikūlu, une ngwinogona. . .

<sup>190</sup> Ugwe kuyoba, “Ena, abakikulu.” Ena, kangi umwe banyambala mwe mwisakwitikisya abakasi binu ukubomba ikyo, ikyo kikubonesya iki umwe mupeligwe nakyo. Ikyo kyo katikati itolo. Naloliloli. Ikyene kyo kikosyasoni. Ikyene kyo kipelakisa.

<sup>191</sup> Kangi polelo ukusulukila ku ndumbilili. Undumbilili ikwima pa kigemo, umwisyugu, pa kigemo kyamwisyugu. Ikwima nkati mula, na bāndu bāke pankyēni pa mwēne, nu kulūmbilila isya kilikyōsa ikīndu kyaiyolo nkīsu palubafu lwa bupīndūko nu butulwanongwa, ni kipīngīka ikyamagēngelēmia kya Kristi. Ena.

<sup>192</sup> Akabalilo kāko ugwe kwāla ifūndo pāsi; abāndu bisakwīsa ukukupilika ugwe, mu bubōmbelo bwa busasaniānōngwa. Ugwe kugela ukufika ku kīndu nu kulūmbilila i Nongwainunu, nu kutwāla abāndu ku kupīnduka nu kutwāla abēne kukutalusya. Abēne bisakufyūka mmwanya nukusōka panja, abēne batikufimbilisīgwa ukupilika Ilyēne. Umma, abēne batikubōmba. Lōli, bakundwe, abēne bikufimbilisīgwa ukupīndūka pamo bikupyūtīgwa.

<sup>193</sup> Imisyétano! Ugwe kubuka ku sukulu; ikyēne kigwīlile i sukulu. Kéta ukusyungutila, ukukilania nkisu umwisyugu. Kéta kuno, umwe bandu, umwe ba Protestanti. Kéta, silipo sina i sukulu ingulumba inywamu isya Kikatolika ni findu, siyengigwe umwisyugu. Nongwa ya fiki ikyēne? Ugwe kwīsyā pāsi amayēngo ga lupaso.

<sup>194</sup> Nakimo ukulwana ni Kikatolika, palema nalinga une ndikwitika mu kyene. Une ne lōsa gwa kiProtestanti. Uko ko katikati kotalusya. Mbagile ukusisimikisya abene batiku. . . Ugwe ukabagila ukūmana na bene. Abene bikuyoba, “Uswē tutikupasya iki i Bangeli likuyoba. Uswē tumenye iki i kipanga kikyuyoba.”

<sup>195</sup> Kyala ali mu Lisyu Lyake. *Apa* po apa Kyala aliko.

196 Lōli bamo mwa baKatolika, būmilile ku kipānga kyābo, babagile ukukosya ugwe isoni pa gwīmwēne, ukuya m'Protestanti. Linga ugwe kwibanilila itolo ku li Bangeli, bo abene bikwibanilila ku kipanga kyabo. Kotalusya. Loli, abene basobi. Une mbagile ukuyoba ikyo pasi pa bulagili bwa Kyala Mwenemaka, ukuti, abene basobi. Naloliloli.

197 Kangi umwe baProtestanti muli basóbi, mūmo umwe mukubōmbéla, panongwa yakuti umwe naloliloli mumenye kanunupo, kangi umwe mukubōmba ikyēne. Ikyo kikapela unyobi ukufuma kwa ugwe. Naloli, ukwene ko kugwīliligw'ubwīte; ifipanga fikulekako pasi. Kangi lilino mbuyo bwa. . .

198 Ikipanga, ukugela ukutendeka ikipanga kimogi, ukuyēnga ikipānga ikinywāmupo, ukubīka ifisōnge ifinywāmu pa kyēne, amalōnge amakulumba amanywāmu nu kwēga kilikyōsa ukugela ukwēgelēla ngati kipānga kya Katolika. Ugwe utikulōnda ukwēgelēla ngati kipānga kya Katolika, linga umwēne asulwīlwe ukubūka ku bōnangiko. Kabuno, uyo yo ISI SYO IKUTI U NTWA, umwēne asulwīlwe ukubūka ku bōnangiko. Kangi ugwe kwēgelēla ukufuma ku mwēne, ugwe kubūkaga nu mwēne.

199 Lōli iki uswe tukufūmbwa umwīsyūgu, kikaya kipānga ikinywāmu, ikisōnge ikinywāmu, kyo figemo fya kabōmbelokaikyolo kūko imbībi sikōkīgwa lōsa, pāsi pa nyīpūto ukufuma ku banyāmbāla na bakīkūlu aba bānganile u Ntwa Yeso Kristi. Umwe mumenye ikyo. Ikyo kyo iki uswe tukufūmbwa. Mbilika une, binangu. Mbilika une. Ulwene lo lugano.

200 Akabalilo kangu kakindile. Une ngulonda itolo ukukindilila pa ikyo, kūko, itolo, une nisakwāndilapo pa kyēne, itolo pītasipo pa panini, ubwīgīliligw'ubwīte bula, kūko ubwēne bwābūkilēko. Ikyēne kyo kigwīliligw'ubwīte. Ikyēne kigwīlil'ubwīte ifīsu fyītu. Ikyēne kigwīlil'ubwīte u United States.

201 Lilino kumbukilāga, une ngabīkamo siku i voti mbūmi bwāngu, muketile, ikyo kyo nakimo ikyakwitufyapo, ubo bo bwabuke bwāngu bwa Kimerika linga une ngulonda ukubomba ikyene. Loli une ngwinogona fingi fiyo isya binangu, ukubabika abene nkati mula. Kēta, une mbabwēne abēne bikubūka nkati ukuya banyāmbāla banunu, bukusōkamo bali basyōbi, kangi une ndikulōnda ikyo.

202 Une ndinakyo ikindu kimokyene. Une ndi apa nguyenga i kigemo kwa Mundu yumoywene Uyu yo Gwakulōnda, kangi uyo yo Yeso Kristi, kangi Mwene pamwene. Une ngupa akabalilo kangu ku Mwene. Uko ko kotalusya. Kangi linga une mbagile ukupela ikipanga ukugolosigwa mosa, ikisu kyosa kisakwitendekesa kyene. Uko ko kotalusya.

203 Lōli unko une mbabūle umwe, akabalilo kāko Tāta Roosevelt (U nnyāmbāla uyu afwīle, unko umwēne atūsye, une ngusūbīla

umwēne ukutusya.), ukwīsa mula, nukwēndesya akabalilo-ka-butemi katatu pamo kana, nu kwīngilapo, itolo ubulagīli-bwa-bugāsi bwakwāndilapo, une mbagīle ukusisimikisya kwa umwe ukuti mu Lisimbo, kūko une nāyobīle ikyēne kikubonekāga pa buyo. Uko ko kotalusya. Uswe tukaya nalo kangī mma u Lwītikano, umwēne abōngotwīke ku tupatu, kilikyōsa kibugutwīke. AbaRepubliki bali itolo babibi bōpe, ikyeene kyo ntāndatu gwa yumo, kangī sinda gwa dazeni ugwa uyūngi.

<sup>204</sup> Kabuno, ikitangalala kilikyosa kikuyaga pakupufuligwa, loli i Kitangalala kya Yeso Kristi kisakwima nukulagilaga bwilanabwila. Uko ko kotalusya. Pamwanya. . . Danieli ākētīle i Lyālabwe likekīgwe ukufuma ku fyāmba, nu kutika ikīsu kya ndyāli kunyuma kula nu pufulania ikyēne mu bufu ubusyīgwe bo ulo, ngati ngano pa kipālo kya kusyēla nkabalilo ka palumu. Lōli i Lyālabwe lila lilinkukula ukuya kyāmba ikikulumba iki kyābalanile pamwanya pa kumwa- . . . kyāliswisye imyānya gyōsa ni kīsu. Ikyo kyo ikyēne.

<sup>205</sup> Ikisu kya ndyali kibukile. Ikisu kyitu kilondo. Umwe mukukumbukila ikyo, ukuti Nkundwe Branham āyobīle ikyo, ISI SYO IKUTI U NTWA. I kīsu kyītu kibongotolīgwe. Ikyēne kitisakusumukamo siku. Umwēne akīndīle, ngati fyo fyōsa fya fīsu. Ikyene kyo kisu ikikulumba nkisu, kimile umwisyugu, lōli ulwēne lo luyūngu lulalula lwa mōhēsi lubyāligwe mu ndumbula sya bāndu; mūmo ikyēne kyālisīle mu Hollywood, mūmo ikyēne kyasōkīle panja mu bāndu, nukwanda ku *iki*. Kangi ugwe ukabagīla ukubabūla abēne nakimo.

<sup>206</sup> Mwāga u Prezidenti pamwanya pala uyu isakugela ukwīgāla ubwālwa, lilino nu kuya nu bukānisye, kēta iki kibagīle ukuboneka. Umwene ikutusuligwaga, mu sala ibili ukufuma papo umwene isege mula. Naloli, umwene akabagila ukwimikana nakyo ikyene; ikisu kyosa kikulwana nu mwene. Ena, nkulumba. Ugwe ukaabagile ukubomba ikyene.

<sup>207</sup> Umwēne akīndīle. Umwēne agwīliligw'ubwīte, kangī u mbepo gwa kikomyunisti gwīngilēpo.

<sup>208</sup> Bukaga ku sukulu syitu umwisyugu, keta ku bana bitu. Abinitu abanini bitu aba bikubuka ku sukulu, umwe itolo mubagīle ukumanya iki kikubōmbīgwa. Abalīndwāna abanini ukusuluka apa mmasukulu, ni fīndu bo ifyo, pa bukusi bwa malongo-mana na malongo-mahano, u māma gwābo ābatumile abēne ku sukulu, babōngotwīke mulwīho, mīnogonēlo, abīnābo abafyāmba, abīsibile fyāmba, abakwēsa ngāmba, filifyōsa ifīngi bo fila; pa bukusi bwa bunini fīyo, abāna banini bo lula. Ikyēne kikuyaga itolo kikafu ukwāga u mfūnde pakati pa bēne bo mūmo ikyēne kyābagīle ukuya ukwāga i sindāno mu kilūndiko kya mabuba, akabalilo kāko abēne bali nu kulagana kwa bulangete na balumina, nu kwībālūla pa filoboko fya kisōko ifi na filifyōsa ifīngi.

209 Kangi une mbagile ukusisimikisya ikyēne kwa umwe, binangu. Une ngabagila ukuyoba ikyēne pa kigemo mpaka une mmenye iki une nguyoba. Mwa masukulu papapa apa mu fyītu—fyītu ifiyabo, munomumo muno mu fiyabo ifi, mwa kula ukufwāla kwa bakīkūlu banini, ngamanya... ukubabula a ba mama babo ukuti abene bikuyaga pa mabuyo amakindane, nu kwāgāna na balumiana na kāngi ukulogwa mu ngindi sya Louisville (Ngimba ikyene kyo fiki?), nukwimba mu mmakwāya.

210 Panongwa yakuti, abēne bali na kanini akaiyolo aka Nongwainunu yabunyamūndu bīmīle pala, kūko abalumbilili bikwima nukuyoba isya utūndu utunini utupepe, kangi utupango utunini utwa i Bangeli, pamo ikindukimo bo ikyo, mbuyo bwa kulumbilila ulupinduko nu kutwala abanyambala na bakikulu ku kigemo.

211 U gwīse gwāke ikwīngila nkati pakilo nu kwāsyā i ngāmbō yāke, ukwēga ikikopo kya bwālwa, nu kwītūgāsya pāsī nu kunwa ubwēne. Māma ali pānja, ukukīndamo akabalilo ka pamūsi, ni kipāmbō kya bakīkūlu mu lusekelo lumō lwa njuga, kimo kyabwīnāke bo ikyo. Ngimba ugwe kugūlilaga bulebule u mwāna ukuya kalikosa akangī?

212 Kēta, kali kyo busyūngutilo nki ugwe kwītūgasyāmo, ikyo kyo iki ugwe guli.

213 Ugwe kwegā akalindwana akanini akanandi, akalumiana kanini kanandi, babīkaga abene panja apa, baleka abene bītūgalēge nu mundu yumo. Ugwe kwegā u nnyambala, une mbagile ukumwega u ndumiana gwangu, unko umwene ayege ilisiku nu munduyumo; unko une nīse, une mbagile akabalilo kōsa ukukubūla ugwe uyu umwēne āli nayo. Naloliloli. Kētēsya, ubusyūngutilo bula, u mbepo yula ikunkola umwēne.

214 Ugwe kubuka nkipanga, kuko abandu bosa...ugwe kubuka mu fipanga fya Mbepo Mwikemo, pamo—pamo ifipanga fya Pentekosti, abene bikulikōlela ikyene. Unko aligwesa ayege...O, abēne bikubopa nu kuyugānia untu gwabo ukugomokela na fyosa, u ntimi ikubomba; ketesya ikipanga kyosa kikwanda ukubomba ikindu kilakila. Unko a banyāmbala, a bāndu, sumuka kangī—kangī itolo kīndililāga mbubībi, pamo ikindukimo ikīngi; kētēsya i kīndu kyōsa kikukōmba ikyo. Fikaga mbuyo kūko u ntīmī yo nalōlilōli ndūlālē kangī ntalale; kētēsya ikibugutila kyōsa kikubōmba ikyēne. Ugwe kwīsa mu busyūngutilo bula.

215 Ugwe kwēga u nnyāmbāla uyu yo nyāmbāla nnunu ndwīho, kangī unko umwēne ēge u nnīni ugwaiyolo unkīkūlu uyu atikufwānapo i sumuni; ikyēne kikaya pabutali mpaka umwēne atikufwānapo ni sumuni yōpe. Ikyo iki kyābonīke kwa Ahabu. Ega i kilakila, ukusyūmbutula, unko u nnūnu unnīni unkīkūlu ēge u gwaiyolo unyāmbāla uyu atikufwānapo i sumuni; ikindu

kyakwanda umwe mumenye, umwene ikubomba ikindu kilakila iki umwene ali.

<sup>216</sup> Mbagile bulebule une ukubūka, ulubūnju ulu, nu kusōsola amaboko gāngu pa twāya utunini utubongotoke ni fīndu bo fila, kūko abaganigwa abamāma abanini bikwīsa nkati kwa tāta ukinwēlwa, ni fīndu bo fila, nu kwinogona abene babagile ukubomba ikindukimo nu mwene, kangi lilino u māma yōsa na bōsa ba bēne bikunwa nu kukīndilila. Ikyēne kyo busyūngutilo.

<sup>217</sup> Ngimba ikyēne kyo fiki? Ikyēne yo mōhési. Ikyēne yo mōhési, u kugwīliligw'ubwīte. Umwēne āpyāgile nkīsu iki, ngati ngalamu iyakubuna. Umwene ālitugésye mwēne pási apa mbuyo ubukinde abene bāli nabo, mu Hollywood. Umwene alinkuti, “Une mbagile ukwega amafilimu apa mpaka i televizioni yikwāka, polelo une ngubagaga abene.” Kangi umwene ikwitugasya pási pala.

<sup>218</sup> Kangi abāndu ba kipānga, mbuyo bwa kwīgāla ifibonesyo nu kusita kwītikisya abāna bābo ukubūka, abene bakubapa abene amasenti kalongo pa Ndungu pamusi nukubatuma abene pási pala, ukuti abēne babagile ukuya na kanini akapabwīnāke akasekelo ka njuga, ukuya pānja ku bēne nu kwītoga ukusyūngutila. O, kyo kikosyasoni nki. Lilino abene itolo bikwāsya i televizioni nu kukētelēla fyōsa ifibwāpufu, ifyabutoyofu ifibolano ifi filiko nkīsu, pa kyēne. Uko ko kotalusya.

<sup>219</sup> Une ngaya nakyo nakimo ikyākulwana na mafilimu. Une ngaya nakyo nakimo ikyākulwana ni senema. Ikyēne kyo fīndu ifibolano ifi fili pa kyēne. Ikyo kyo iki ikyēne kili. Linga umwe āngali mukikyūngile ikyēne kyālwiho, ikyēne āngali kikusyāla kyālwiho.

<sup>220</sup> Ugwe ukābagile ukūlisya ifilato fya mabatani ifyakabōmbelo-kaiyolo muno nkāya, na panandi. Abakīkūlu batikufilōnda ifyēne. Abēne bikulōnda inyobe ukufuma ku bēne. Abakīkūlu bōsa bikubōmba ikyēne. Uko ko kotalusya.

<sup>221</sup> Akabalilo kako ugwe kubuka kukipanga, ugwe ukabagila ukulisya abene ubwiputi ubwa kabalilo-kaiyolo, panongwa yakuti, unikulu uyungi, umwene atikubomba, umma, atikulonda nakimo ukubomba na ikyo. Umma, nkulumba. “Ngaya nukufūmbwa mma une ukubūka ukusuluka kula. Une itolo ngwitika, ikyo kyo kyōsa kilipo ku kyēne.” O, nkundwe, u mōhési ikwitika, yōpe. Kotalusya. Ugwe kwisakupīndūka pamo pyūtigwāga.

<sup>222</sup> Lilino, nsobile; umma, une ngaya'mma. Umma, une ngaya'mma. Umma, une ngukyégéla ikyo kunyuma. Une mbaganile abāndu. Lōli une—une—une—une mbaganile umwe kanunu fīyo ukubabona umwe ukubūka ubukupame ukwīsopa bo ulo. Kyala itikisyēge, une nisakupīmba iki kāngi pītāsīpo mundungu.

223 Lilino, kwa umwe bamāma mwe ba māma, itolo i lisyu kwa umwe bo tukāli ukubūka. Kyala abasaye umwe. Umwe mukukusya abāna bīnu kanunu.

224 Uswe twīsa kupīm̄ba lōli u kugwīliligw'ubwīte uku; uswe tukufimbilisigwa ukubuka ntwaya kwālino, nu buyo bwingi, i sukulu, na panja mmabuyo ni kyene. Uswe twisakukīndilisyāga ikyene.

225 Lōli, u kugwīliligw'ubwīte kwa United States, u sētano apokile. Komma ukuya nu lutēnde na Russia. Russia akaya nakyo nakimo ikyakubomba. Uswe tukubomba ikyene twibene, ububole bwitu twibene pakati pitu. Uko ko kotalusya.

226 Umwe mumenye, u United States ali ni nōngwa sya kusōka-mbwēgi nyīngipo ukukīnda kyōsa kya kīsu? Ukusōsania ukwīngipō; inogona isya ikyēne. Ikyo kinyali? U bwāmāma bubōngotwike. Abamāma batikusyāla pa kāya kangi mma na bāna bābo, mūmo abēne bālīsibile ukubōmba. Abēne bikufimbilisigwa ukuya ni mbōmbo.

227 Apa ilisiku limo, u nyāmbala gwa lilūka yumo nkāya aka, āyobāga kwa une isya ikyēne. Abakīkulu aba bikubōmb'imbombo mu ifi mafakitale ga sikali, aba abakīkulu abēgigwe abakeke ni kipāmbō kya twāna utunini. Abēne bali nu gwāmbombo ikupākikisya abāna bābo. Abēne bikubōmba mmabuyo ga sikali aga. Alinkuti, "Balipo babili ba abēne bimile pala, akabalilo kāko abēne basōsigwēpo pa mbombo, pa mbombo syābo isya sikali, alinkuti, 'Komma ukupasya. Uswe twisakukitēdekāga ikyēne, mulimosa.'"

228 O, lo luko luki lwa bulogwe pa kiboko. Nalōli. U mōhēsi atalile ababūlile abene ukuti abene bo ba bwana ba nyumba. Abene bisakutendeka i hela yabo bene. Abēne bisakubōmbāga iki abēne bīganīle. Kangi umwe mukukyēga ikyēne ukufuma ku bēne, linga umwe mubagīle.

229 Kilipo ikindu kimokyene iki kibagile ukutwala ikyene panja pa bene, ikyo kyo kigemo, pankyeni pa Yeso Kristi, a kabōmbelo-kaiyolo, ubwīputi bwa lusōko-lwa-māsōsi ubu bwīsa kukonyola i ndūmbula syābo nu kuswānyulania abēne ku tupatu, nukubapela abene iki abene babagisenie ukuya. Uko ko kotalusya.

230 Abēne babagile ukwīnogōna une ne itolo nkāngale gwakifūnienie. Loli i lisiku akabalilo kako ugwe kufwa, nkundwe gwangu, kalumbu, ugwe kwīsakusyagania ukuti une ngubulile ugwe u Bwanaloli. Uko ko kotalusya.

231 Umwēne alipo, u bugwīliligw'ubwīte, i sala yili apa. Lilino, lilino, ena, i sala ya lutumulo, yōpe, i sala ya lutumulo, komma ukwisa ku kipanga, loli isala ya linogono kali ugwe kubombelaga Kristi pamo ukusyala ndūngulano mu kipanga kyāko. Kangi uko ko kotalusya.

<sup>232</sup> Balipo bingi abakipanga. Linga bosa abakipa-...pamo abandu ba Amerika aba bikwikolela ukuya Bakristi, bābagile ukuya Bakristi ba bwānalōli, Bakristi bapāpīgwe-kābubili, nkundwe, uswe āngāli tukuya baponesigwe mumo ugwe kuyaga ku Mwanya, kifuki, ukufuma ku bwite ni ndamyo, ena, nkulumba, i mbungo syābagile ukusōkapo mu kisu, kilikyosa ikingi.

<sup>233</sup> Ngimba icyēne āngali kitikuya kinunu ukwisa ukusuluka u lukindi nu kumbona unkikulu ikwisapo, kangi u nnyāmbāla, “Ngimba ugwe kubombaga bulebule, kalumbu? Ulubunju ulununu, nkundwe?” Buka pási, kukayapo...Ugwe utikuya nako kumo ukupāsa nkisu. Kilikyōsa kyō itolo kinunu kangi kinoge. Kangi umwīnitu ikwisa ku nguto ya lukindi; mbuyo bwa kugela ukwenda pamwanya pa ugwe, umwene imaga, yobaga, “Umma ndaga, nkundwe. Umma ndaga, ugwe gwāli...O, ugwe pankyēni pa une,” umwe muketile, itolo ukulōndēla...Ngimba ikyo kitikuyaga kinunu? [Ikilundilo kikuyoba, “Ameni.”—Nsimb] Uswe tukuyaga nakyo icyēne, loli ikyo kyo mu Fyinj’elifu, nkundwe. I Lisiku likwisa itolo. Uko ko kutalusya. Popāpo lilino uswe tukaya... .

<sup>234</sup> Une nālimile mbupalamani bwītu, apa ilisiku limo; nakimo icyākulwāna nu bupalamani bwītu, lōli une mbagile ukukētēsya abāna bītu abanini. Unkasi ālilāga. U ngānga yumo ugwa kāya aka, undindwana gwāke unnini ābopa ukusyungutila nu ndīndwāna gwāngu unnini, kangi abēne bikugana yumo nu nnine; mpaka abēne bāsyāgēnie ingamu yāke āli Branham, kangi umwēne āli mwāna gwa Rev. Branham. Ikyo kyāmasisye icyēne. Undindwana unnini alinkutoligwa ukubuka nu ndindwana gwangu unnini kangi mma. “Mwe,” une ndinkwinogona, “ena, ndaga.”

<sup>235</sup> Bamo mwa bapalamani abanini bikubopa ukukilania kula, balinkuti, “Ena, icyene kyali kanunu mosa.” Polelo, abene balinkubuka ku ntimi gwabo. Komma ukumbula une. Umwe mumenye, une—une ndinayo injila iyakufimanyila ifindu fingi, umwe muketile. Polelo abene—abene balinkubuka ku ntimi gwabo, kangi balinkuti, “Ugwe umenye, alipo u nnyāmbāla ikwītūgāla mbupalamani bwītu, yo nnunu fiyo ku bāna bītu.” Alinkuti, “Ikyēne yo Rev. Branham. Umwēne ikubēga abēne, ukubēndesya abēne mu kanini akaiyolo akagali, nu kubēga abēne pānja.”

<sup>236</sup> Alinkuti, “Mulimōsa, uu, *Ahemu!* Uswe tukaya nakyo nakimo ukulwāna nu Rev. Branham. Umwene ali kanunu mosa, loli, umwe muketile, umwene yo itolo kalasi ya bandu abakindane ukufwana na iki uswe tuli.” Ena. “Uswe, une—une mbagile ukuti umwe mutikuyaga...umwe mumenye, une angali ngaya mu luko lumo...Ugwe yoba ku bene, kangi yaga gwabwinake, loli itolo unko ikyo kiyeye bumalikisyo.”

237 O, nkundwe! Unkasi gwāngu ālimile pala, ikukúta. Une ndinkuti, “Ndumbulanyafu, ulwene lo lukindi lwakupagulania. Bo mūmo kuli une ni nyumba yangu, uswe tukumbombelaga u Ntwa.”

238 Palema nalinga ikisu kyosa kikupa injila; pópe Yeso Kristi! Linga une ngufĩmbilisigwa ukubilikigwa mūmilisi, linga umwe ngũfĩmbilisigwa ukubopigwa na bakam-. . . abanyāmbala abīnāngu bāngu, ni fĩndu bo fila, Une ngāli ngusala Yeso Kristi. Umilila ku kiboko kya Kyala ikisitakwānduka. Akabalilo kāko abinako bapakisū bikukutaga ugwe, pópe kifuki ku Mwene ūbatila. Umilila ku Mwene.

239 Kyala, unko une ndũmbilile mūmo une ngabōmbelāmo siku. Unko une ndũmbilile ku bāndu bākufwa, ukuya nyāmbāla gwākufwa, nīmwenē. Unko une ndumbilile ku bāndu bo une ndisakuyamo siku nu bulumbilili ubungi ukulumbilila. Unko une mbapepeke abēne ukwisa ku kigemo, ni fisyo ifyalusoko ni lisōsi; ukugomokela ku kāya nu kwītūgāla ngati Bakristi, nukwītūgāsya mbupalamani bwābo. Ukuleka kyōsa iki apa ukwīkyēla nu kubopabopa ukusyūngutila nu kunyēla nu kwēndendeka; nukubombela injila *iyi*, nukuputa pa *iki*, kangī ukubuka injila *iyō*. O, komma ukubomba ikyo. Uyo yo mōhēsi. Sila imbepo sya misyētāno sikwisa pa Bakristi.

240 Kumbukilāga, abalũmbilili bala pāsi pala, abēne bāli basololi bala. Abēne bāli basololi. Abene baali banyambala balwiputo bikupa i likemo. Abēne bāli itolo bīputipūti bo bamanyisi ba lisiku ili, lōli, nkundwe, abēne bāli kubutali fiyo kukumanya u bwānalōli.

241 Ngimba ugwe utikukēta mūmo ayīle gwābwīpūti u mōhēsi ali? U mōhēsi akaya mma nayumo undwana-, ikindu ikikulumba bo kikomyunisti, mosa ukulwana ni Kikristi. Ikyo kyo kikaya. Ikyo kyo kya, o, ena, ikya mōhēsi, naloli, loli ikylene akaya yo ndwananakristi. U ndwananakristi yo mwīputipūti fiyo, mwīputipūti fiyo. Umwene aali mbepo gwa bwīputipūti uyu aalinkomelile Yeso. Ikyēne kyo bwīla kisu kya bwīpūti, abāndu abīpūti, aba bikukomelēla. Ikyēne kyo bāndu abīpūti aba bāli bikulwāna na Kristi gwābwānalōli. Ikyēne kyāli basololi abīputipūti aba bāli bikulwāna na Mikaya. Ikyene kyo bandu bakwiputa aba lisiku ili bikulwana ni Ndumi ya Kyala.

242 Kumbukilāga, une mbasokīle umwe. Une mbabūlīle umwe. Une ndikuyoba fingi fiyo isya Kikatolika, na baBaptisti na baMethodisti; Une nguyoba itolo isya bāndu aba bo bāndu ba bwīkēmo, papapa pāsi mu ngindi isi apa. Kēta ikyēne umwīsyūgu, mūmo ikyēne kikwisa ukukilania kangī kikwīma mu lukino. O, mwe. Une ngubukaga mu kyēne, utubalilo tumo. Kangī indumbula yāngu yikukonyoka nkati mwa une.

243 Ukwīmwa mmwanya ni banjo ilyaiyolo, ukukuba i banjo ilyaiyolo lila, kangī ukugūsa akaiyolo akasāmba bo lula,

“Ngimba u ntĩmang’ombe gwa ku Texas yo *Gwakuti-na-gwakuti*?” Une ngaya nakyo nakimo ikyākulwana nu mũndu yula; lōli ikyo kyo kili panja pala nkĩsu kyōsa panja pala. Uko ko kutalusya. Une kinunupo nĩme, nkundwe, kisita ni kĩndu kimokyēne, ikya umma, nakimo na panandi, lōli itolo ukwĩma ni kufyũsya amaboko nu kuyoba, “Yeso, ngyunga une kifuki ni kipingika.” Ena, nkulumba.

Ikikemesigwe i kipĩnga une nisa kupĩmba,  
Mpaka ubufwe bwisa kunyābulāga,  
Polelo ukubuka ku Kaya i ngiga ukufwala,  
Kabuno yilipo i ngiga ya une.

<sup>244</sup> Kwa umwe ba mama banini apa ulubunju ulu, aba bo ba mama abanaloliloli, kangi une mmenye balipo bingi ba umwe; Une ngwinogona, aligwesa gwa umwe. Unko une mbabule umwe ikindukimo. Kyala abasaye umwe. Umwe mwe Nongwainunu yākihāno, une ngwinogona. Unko une mbabũle umwe iki lilino ku bāna bĩnu, itolo ikindu ikinini. Panongwa yakuti, Nkundwe Neville lumo isakulumbililaga pa i . . . ukufwana nu mama ikilo iki, pamo aligwesa, yumo mwa uswe uyu ikulumbilila, umma ndaga, ukufwana na mama. Lōli, pilikisya, unko une ngulālũsye ugwe ikindukimo.

<sup>245</sup> Kumbukilaga, akabalilo kako Mōse āli ndumiana nnini, umwene āli yo māmā uyu ālĩmpéle umwene ubulagĩsi. Umwene āli yo māmā gwabunyakyāla uyu ālyēgĩle unnini Mōse pa fifundo fyāke, nukuyoba, “Mōse,” alinkummanyisya umwēne fyōsa. Umwēne āli mmanyisi gwāke, pamo, umwēne āli mmanyisi gwāke, ndigi, pāsi pa Farao, kangi alinkuti, “Lilino, ifindu ifi,” alinkuti, “Mōse, ilisiku limo ugwe kwisakupokaga abāna ba Israeli. Ugwe gwe ndumiana uyu akōleligwe. Ikyūngaga gwĩmwēne mpelelesye kangi nsitakatondobia ukufuma ku kĩsu, kabuno ugwe ugwe yula. Ugwe gwe yula.”

<sup>246</sup> Nabumo u buyo ubūngi uswe tubumēnye, kũko umwēne ābũkile ku seminale yiliyōsa, ukumanyisya kulikōsa na panandi, umwēne ālyēgĩlēmō siku. Umwene ālitūgēle mulamula mu nyumba ya Farao, uyu ali mwiputafifwani; loli unna ālimmanyisye umwene. Uyo yo mama ugwanaloliloli. Umwene ālimmanyisye umwene i fũndo ya Ntwa. Umwene ālimbũlile umwene mumo umwene abagisenie ukuya mwikemo. Umwene alinkumbula umwene mumo kangi iki umwene abagisenie ukuya nu bumi, na mumo, iki Kyala ikufimbilisigwa ukubomba, ābagile ukubombela umwene. Kangi ikylene kilinkwibanilila kwa Mōse amasiku gosa ga bumi bwake.

<sup>247</sup> Kangi gwēsa unnunu, ugwānalōli, māmā unsūbiligwa uyu isakwēga abāna bāke abanini, mbuyo bwa kutuma abēne ku fibonesyo fya mafilimu ni fimogo, na fyōsa bo fila, kangi umwene isakubika abene pa lupagato lwake nukubamanyisya abene isya Ntwa Yeso Kristi.

248 Apa i lisiku limo, une nāyobāga kwa māma pa telefoni. Kangi u māma alinkuti, “O, Nkundwe Billy,” umwene alinkuti, “u ndumiana gwangu u mpelakisa uyu ali mu lutamio.” Alinkuti, “O, lo lutamio luki ulu umwene alimo.”

249 Une ndinkuti, “Ena, une mmenye ukufwana ni kyene, kalumbu, gwempala.” Kangi umwene alinkuti, “Umwene abagile ukuya nsobi. Une ngamanya.” Alinkuti, “Yumo ikuyoba *iki* kangi yumo ikuyoba *kila*. Une ngamanya. Loli,” alinkuti, “kali umwene nsobi pamo ntalusye, une nunganile umwene.” Mwaketa lelo umwe, “Une nunganile umwene.”

250 Umwene alinkuyoba kwa mama gwake, alinkuti, “Une ne nsyobigwe fiyo na *iki* kangi *kila*.” Alinkuti, “Māma, une ngwītika ugwe gwe kifuki mwēne nyāfundumbula une naloliloli ndinagwe; u nkīkūlu uyu yo gwābwanalōli kwa une, kāngi ikwībanilīla kwa une.” Ulo lo lugano lwa māma. Uyo yo māma gwābwānalōli uyu isakubīka ingōngi syāke ukūbatīla umwāna gwāke. Kali umwene ntalusyi pamo nsobi, umwēne ikukīndilīla mulamula nkyēni. Kangi linga Kyala. . .Linga u māma abagile ukwīnogōna ikyo isya mwāna gwāke, bo bwīngipo bulebule isa Kyala ukwīnogōna ikyo isya Gwāke. Umwe muketile? Ugwe ima palapala nu Mwene. Buka kanunu.

251 Kangi lilino unko une itolo mbabūle uswe mama uyūngi, mbibimbibi itolo, mu li Bāngéli, bo tukāli uswe ukwīgāla. Ālipo u māma yumo ābīkīgīgāga Herodia. Umwēne ālimmanyīsyē umwānake undīndwāna ikimogo kyākukong’onda. Umwēne ālōndāga umwēne ukuya mfumuke. Kangi umwēne unkīkūlu āmogīle pankyēni pa mwalafyāle, kangi alinkulōnda untu gwa Yohani u Mōsi. Uswe tuli nu busīmbe bwa malongo-mahano-na-mabili ga bīsukūlu bāke, undīndwāna uyu yūyo āmogīle pankyēni (umwānundīndwāna gwa Herodiani), āmogīle pankyeni pa Herodi; malongo-mahano-na-mabili ga bīsukūlu bāke, abēne lumo bāfwile balogwe pamo pa manjōga.

252 U māma yumo ālimmanyīsyē abāke ifīndu fya nkīsū; uyūngi u māma āmanyīsyē abāke i fīndu fya Kyala. Yumo alinkuya ndongosi unkulumba kangi mponjoli, nsitakufwa pakati pa bāndu umwīsyūgu; kangi uyūngi yo nyābuta kangi mu gehena, kangi ēgīle maelifu ukwāndania maelifu nu mwēne. Mukukēta iki une ngusanusya? “Kusya a kāna mu njila akene kabagile ukubuka.”

253 Kangi une naloliloli ngukukupelel’ikisa ugwe māma mpelakisa gwītūgēsye apa ufwēle ililuba iliyēlu. Kuliko ku Mwanja kūko u māma yumo ikufīmīlīsīgwa ukubūkāko, umwīsyūgu, kūko unnunu u māma gwakabōmbelo-kaiyolo uyu ālitūgēle kuli Kyala, lumo akīndīle kumbenu kwa kīkīngō. Umwene ikukugulila ugwe ukwisa. Uko kō kotalusya.

254 Une ngugīndīka kangi ngukufyūsya umwe pala na maluba gīnu amakesefu. Mama gwako, linga ugwe kulonda ukubomba

kalikosa kwa umwene, bomba ikyene amasiku bamia batatu na malongo-ntândatu na masiku- mahano ikyinja kimokyene. Buka ku nyumba yake nukupa ulwiputo, kang'i itũgalàga kuli Kyala. Ikyo kyo kindu ikyakubomba. Kang'i kusyaga a bāna binu. Kang'i akabalilo kako abana binu bikwisa, abene bisakukukolela ugwe “basayigwa,” ukufuma pāpo ugwe uli kumbenu kwa kikingo. Uyo yo mbepo gwānalòli gwa bwāmàma, u mbepo gwānalòli gwa lisiku lya māma. Ilisiku lya Mama lyo masiku bamia batatu na malongo-ntândatu na-masiku mahano ikyinja kimokyene.

<sup>255</sup> Ili lyo lisiku abēne bikūlisya amaluba nu kupāna ifyābupi, i kīsu kikubōmba. Linga ikyene kikukīsanīa, linga i kīsu kyābagīle ukwima ifyinja ifingi malongo mabili, abēne bisa kuya na masiku ga mwānundumiana, masiku ga mwānundīndwāna, kang'i, masiku ga ntāni, kang'i masiku ga mwīpwa, kang'i fyōsa ifindu fila bo fila, itolo ukufwana ukwisa nkisu mu biashara ya mulimuli. Apo po itolo pāpo ikyēne kikubūkila, mulamula mu gehena, itolo nakalinga mūmo ikyēne kibagīle ukubūka, ku bonangiko.

Loli, umwe, Kyala abasaye umwe, lo lwiputo lwangu. Tulipūta uswe.

<sup>256</sup> Ugwitu Tāta Gwakumwanya, bo uswe tukukētēla, ulubunju ulu, na minogono gitu, kunyuma kula, abamia bamo ba fyinja ifi fikindilepo, akabalilo kako pala palinkwima Yehosafati imile pala kulubafu lwa Mwalafyale Ahabu. Kang'i u Mbepo unnini pasi mu ndumbula yake, akali asyēle ugwa Kyala, palema nalinga umwene aatendike ubusobi, alinkumbūla umwēne, alinkuti, “Iki kyo kisobi. Iki kyo kisobi. Ikyēne kikaya kyēlu. Ikyēne kikaya kīkēmo. U nsololi ayobīle ifindu ifi fikābagīle ukukindīlīla bo ulu.” Kang'i u Moto unnini gwa Kyala gwasumwisyē umwene.

<sup>257</sup> Kang'i polelo Ugwe gwāli nu munduyumo ukwamula u Moto unnini gula, uyu āli Mikaya, u nsololi gwabwanaloli gwa Kyala. Palema nalinga umwēne abagīle ukwīsapo pala afwēle ifilepuke, palema nalinga umwēne abagīle ukwīsapo pala afuyulīgwe, kang'i bōsa bala bikukēta pa mwene ukufwana bo kipāmbō kya bakāmbwe bikukēta ku kang'osi. Loli umwene aabulile u bwanaloli, palema nalinga umwene afimbilisigwaga ukung'apigwa nkisyo, palema nalinga umwēne āfīmibilisigwāga ukusopigwa mminyololo nu kūlyēsīgwa unkati na mīsi ga busulumano. Lōli, pōpe, amasyu aga umwēne āyobīle gikwīsa ukuboneka, kabuno Ugwe gwāli nu mwēne.

<sup>258</sup> Kyala, tupaga, umwisyugu, kang'i uswe tukuketa pasi mwi Bangeli ili. Uswe tukuketa ku mabuku ga kipānga, ama dekalogo, ni findu ifingi, ifya fipanga, ifya nyiho, kang'i kēta mumo abene bikubomba *iki, kila*, pamo i *kingi*. Loli unko uswe tukéte mu Lisyu ilyabwanaloli ili apa, nu kukēta iki Ilyene likuyoba: “Kisita bwikēmo, nayumo umūndu isakukēta u Ntwa.

Kōnga ulutēngāno nu bwīkēmo, iki, kisita, nayumo umūndu isakumbona u Ntwa. Umwene uyu akiganile ikisu, pamo ifindu ifya nkisu, ulugano lwa Kyala lukaya mwa umwene.”

<sup>259</sup> “M’masiku ga bumalikisyo utubalilo twālupēsyō twīsa kwīsa. Abāndu bīsakuyaga bagana ba būndu bwābo bēne, bākwtūfyā, bākwtūtumula.” O, ifindu ifikulumba ifyo, Ntwa, ifi fikuboneka. “Bamatata, baminogono-gapamwanya, bagana ifyakusanguluka ukukinda ukuya bagana Kyala; bikumanyisya abandu isīmbo isya—isyā banyambala mbuyo bwa ngomelesyo sya Kyala; ukuya nu luko lwa bunyakyala, loli ukukana a maka ga Mbepo Mwikemo” ukupela u mūndu ukuya mwīsusigwe na Mbepo, ukumpela umwēne ukusāngaluka, ukupela amāsōsi ukusululuka ukufuma mfisige fyāke, ukumpela umwene ukusōka panja nukwiputula ababine, ukumpela umwene ukuyoba mu ndimi nu kusanusya, ukumpela umwene ukusolola. U Mbepo gwa Kyala, u Kyala gwābūmi, abēne itolo balinkwēga Ikyēne ku bugonelo bumo pamo ikindukimo bo ikyo, “Ukuya nu luko lwa bunyakyala, loli ukukana a maka aga galimo.”

<sup>260</sup> O Kyala, kilundilo ikinini iki, pa lisiku ili, kili sumuka nakalinga lilino, bo kakāli akabalilo kabumalikisyo ukwīsa, bu kutukola uswe bwītūgāle ubu. Uswe tuliya, ukwīpupwa twībēne, bo i Bāngēli lyāyobile, “Sumuka kangī iyūgānia gwīmwenē. Kangī nsuma kuli i njila iyaiyolo, iyi yo njila innunu, kangī akabalilo kako ugwe kuyāga iyene, enda mu yene.” Kyala, tupaga ukuti uswe tubagile ukuyaga injila iyamagengelemia iyaiyolo, akabalilo kako uswe tubagile ukwimilila palikimo kangī, ukuya bamia, nu kulūngisania amaboko gītu palikimo nu kwīmba.

Une ngwegaga injila na bafuyuligwe banini ba Ntwa.

Une nāndileko na Yeso kangī une ngikīndamo.

Kyala, tutula uswe ukwitugasya ikyo nukuya lula.

<sup>261</sup> Saya bōsa aba abamāma abapala bītūgēsye apa, Ntwa; tumēnye ukuti abēne bo bāmāma, bēne, na maluba amēlu gabīkigwe napini pa fijāsi fyābo, ulubūnju ulu, bo lukumbusyo lwa mama umpala ugwaiyolo uyu akīndile pa buyo. O Fundi gwa Bumi, sayaga abene, Ntwa. Kangī abēne baliyaga basayigwa, bōpe, kangī amakūmbusyo ga bāna bābo galiyaga bo gābo gali na bāmāma bābo, linga umwene akindile ku mbenu kwa kisigo, ku Mwanya kwālwīmiko. Tupaga ikylene, Ntwa.

<sup>262</sup> Kangī ulubunju lumo akabalilo kako u bumi bukwigalila ukufuma ku ndepa syitu, kangī ubutuyo bwitu bukutoligwa ukwisa kwa uswe, ikikīngo kisakwīgūka kāngi; umwēne isakusulukaga pāsi, lumo, ku bumalikisyo bwa Yorodani, ukututula uswe ukukilania. O, ku lisiku ilyalwīmiko lila akabalilo kāko uswe tukutogaga amalūndi gītu ukukilania kula, kūko patisakuyako... I mbepo yitisakuya mbwāpūligwe


ni lyōsi lya ngāmbō. Patisakuyamo nasiku u kinwēlwa pa lukīndi. Patisakuyapo siku u ndogwe. Patisakuyapo siku ubutulwanongwa. Patisakuyapo siku ni kindu nakimo bo ikyo. Lōli, mu gwālwīmīko bwīlanabwila, uswe twisakuya būmi nu lutēngāno nu Ntwa gwītu Yeso Kristi na bāna bītu. Kangi, o, lyo lisiku ilinunu.

<sup>263</sup> O Tāta, akabalilo kāko ingisi ingulumba yilipo, ubwīte, kangi u mōhēsi ikwīngilila ifisu, kangi ikwīngilila i figemo, ikwīngilila ifipānga, ikugwīlil'ubwīte abāndu, ikugwīlil'ubwīte amabiashara, ikwīngilila utwāya, na masukulu ni nyūmba; O Kyala, tutula uswe ukwīma, ukukwaba ulubo mbibimbibi nukulwila Kyala, bo mūmo Mōsa na i—na Banyalevi bābōmbile ukusuluka kula akabalilo kāko ubutulwanongwa bwāli mbugonelo. Tutula uswe, Ntwa.

<sup>264</sup> Tuswege uswe lilino, kangi tusaya uswe. Kangi tukyūnga uswe bālwiyisyo, tubongotole uswe lōsa, Ntwa. O Kyala, Ugwe uyobile, “Umwene uyu ikusōka panja, ikusōpa mu māsōsi, isa kisitakwīlāmwa kugomokela kangi, ikusāngaluka, ukutwāla nu mwēne ifikose.” O Kyala, tutubulutule uswe ku tuyabo. Tubūmba uswe, mbupya, Ntwa. Uswe tukwāmbilīla fiyo pānja pa njila.

<sup>265</sup> Une ndi, nimwene, Ntwa, une ngufika ku buyo kūko une ngwīnogona isya balinga bisakwīsako ku lukomano lwangu. O Kyala, une ngulōnda Ugwe ukwisako. Isaga, Ntwa! O Kristi, gweisa Ntwa! Mbongotola une lōsa; mbūmba une ukwāndisya. O Ntwa, komma, siku ukundeka une nēge ifindu fila pa minogonelo gangu. Kyala, bakyungaga ifyene ukufuma kwa une.

<sup>266</sup> Ndula une, Ntwa, ukulumbilila, mumo une njobiile, pitasipo, ngati u nnyāmbāla uyu ikufwa ku banyāmbāla aba bikufwa, tumenye ukuti uswe twēsa tukufimbilisigwa ukukētana na Syēpwa. Uswe tukufimbilisigwa ukwīma pankyēni pa Ugwe; akabalilo kako Ugwe ukaya mu kayīlo Yako akakukuhobosya, akabalilo kako Ugwe ukaya ni kisa, akabalilo kako Ugwe gwīmīle kisita kisa; akabalilo kāko Ugwe gwīmīle, ukalēle, ukutwāla ubulōngi pa fisu kangi abāndu aba bapīkīle nu kuswāya ulugano lwa Mwana Gwako.

<sup>267</sup> Kyala, mbapo une i kisa nu Mwene umwisyugu, ukuti mu Lisiku lila une mbagile ukwīma nsisimikisigwe. Tukufimbilisigwa ukukūta lilino, loli Ugwe kwisakufyūlāga ikyēne ukusōkapo, ku buhofu, pa kabalilo kala, akabalilo kākō Ugwe kuyoba, “Ingila mu sangaluko sya Ntwa, isi sitendekesigwe kuli ugwe ukufuma ku lwālo lwa kīsu.” Kyala, ayege na uswe lilino, nu kututula uswe, uswe tukusuma, mu Ngamu ya Yeso. Amen. 

54-0509 U Kugwīliligw' ubwīte Kwa United States  
Kitembe Kya Branham  
Jeffersonville, Indiana U.S.A.

KYANGONDE

©2024 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)